

መጅልስ መርከዚ መ/ወ/ም/ም/ሐ/ኤ/፡ ናይ ሐል ወራታቱ ንምም



መጅልስ መርከዚ መሕበር ወጠን ምሕርብት ምስኩናም ሐርብ ኤራትርፊ፡ እት የም 31 ጃንዋሪ ዲብ አስመረ እትለ ወደዩ እጅትማዕ፡ ናይ ሐል ወራታት መሕበር ጌመመ።

ዲብለ እጅትማዕ፡ መሕበር ለወደዩ ወራታት እብ መጅብ ለዐለ ስታቲብ፡ መቅደረት እቅትሳድ ምስኩናም እግል ትተረድ ለትሸቀ በራምጅ ለዐለ ዶር መሸተርከት፡ ክምሰልሁመ ምስኩናም ሐርብ እብ በርናምጅ አርወሐቶም እንዴ ቀድረው መናበረቶም እግል ለአትሓይሶ ለትሸቀ ወራታት ለወዴሕ ተቃሪር ትቀደመ።

እምበል እለ፡ መሕበር ዐቦት እቅትሳድ አንፋሩ እግል ልአክድ ለከመዩ ተእሂላት ወፍገራቲ፡ እብ ሐርስ ተዋብ ንዋይ ወንሁብ ክምሰልሁመ ተጃረት፡ ባዮጋዝ ወብዐድ ለሐድረው ምስኩናም

ዲብ መናበረቶም ለለአርእው አትሐደሶ እብለ ከሰሰ ተውዴሕ ትቀደመ።

መሕበር እግል አንፋር ለከሰተዩ አብነት ሰሉፍ ወመትቀዳሙ እብለከሰሰ እትለ ትቀደመ ተቃሪር፡ ዲብ 2024 እግል 334 ምስኩናም ዲብ ሸቅል ለለአትብግሶም እብ ዓመት ዝያድ 6 ሚልዮን ወ300 አልፍ ነቅፊ ሰሉፍ ክም ተሰዩብ፡ ክምሰልሁመ 19.7 ምእታይት ሌጠ ክም ትፈደ ምኑ ተሐበረ።

መስካል ቅሰም ተንዝም ወሐብሬ አሰይድ መሐመድኑር እድራስ እትለ አሰመዐዩ ከለመት፡ አንፋር አርወሐቶም እግል ልቅደሮ ወመራዐዩት ወጃብት እግል ልርከቦ ለለአትናይት ወቀይ ክም ገብእ እንዴ አሸረ፡ ለሸቅል እግል ለአተላላ ሰበት ቲ፡ ኩሎም ጀሃት ሕኩመት ወምሻርከት ሸቅል ዶርም እግል ልወቅሎ ትፋኑ።

አንፋር ምጅልስ መርከዚ ዲብ ደንገብ፡ እት የም 19 ኖቨምበር እብ እሰትሸሃድ ለትፈንት ምናም መስካል መሕበር ወጠን ምሕርብት ምስኩናም ሐርብ ለዐለ መምህር ገብረብርሃን እያሱ እት አካኑ ለሸቄ እግል ልትሐሬ እትለ ወደዉ ሕርፊ፡ እብ አሳሰ ደሰቱር መሕበር አሰይድ ፍሰሃዩ ተሰፋሚካኤል እብ ሶት-ታመት ተሐረ።

ዲብ ደንገብ፡ ዶር መሸተርከት እግል ልትወቀል፡ ሐዳይስ አንፋር እግል ልትዝዋ አትፋዝዎት እንዴ ገብእ፡ ተምዊል ለረከበ መሻሬ እግል ልትሸቄ፡ መሕበር እብ እቅትሳድ አርወሐቱ እግል ልቅደር ለሰዴ ወራታት እግል ልግባእ፡ ክምሰልሁመ አፍረዐት ነላይሸ ወመጃሚዕ ምስኩናም እግል ልተረድ ወዶሩ እግል ልትወቀል፡ ምንለ አግደ በራምጅ 2025 ክምቲ ተሐበረ።

ምግብ፡ አትፋዝዎት ሕርፊን እዳርዩን ገብእ

እት አቅሊም ምግብ፡ ዲብ መክንበት ወርሕ ማርሰ 2025 ለገብእ ሕርፊን መስካልን እዳራት ደዋይሕ፡ መመቅረሐት ሸቅል ወልጃን ደገብት አትፋዝዎት ገብእ ሀለ።

መመቅረሐይ እዳራት አቅሊም ምግብ አሰይድ ዘርኢት ተወልደብርሃን እብ ሰበትለ ሕርፊን እግል ኤሪን እት ሀበዩ ሐብሬ፡ ዲብ 16 ምዴርዩት ለሀለዩ 83 እዳራት ደዋይሕ ወ89 ደገብት ከም ገብእ እንዴ ሐበረ፡ እብ አሳሰላ ፋግር ሀለ ሸፋጣት፡ ዕምርለ ለሐሩ ምን 18 ሰነት ወለዐል፡ ለልትሐረው ህዩ ዋጅብ ወጠናም ለአትመመው ዕምርም ህዩ ምን 25 ሰነት ወለዐል እግል ልግብእ ክም ወጅብ ሐበረ።



ለሕርፊን እግል ልትወድት፡ እዳራት አቅሊም ለለአትሐዘይ አሳት ከም አዳሌት ለሐበረ አሰይድ ዘርኢት፡ ስካን እብ ቀልብ ናሰሕ ለለአትመቃርሕም እንዴ አሌለው እግል ልሕረው፡ ለልትሐረው ህዩ ለረፍዐወ መስካልዮት ክብድት ክም ተ እንዴ ፈሀመው፡ እብ በቃዐት እግል ልሸቀው ከም ልትሰአው አብርሀ።

እት ሐልፊ ሰፍታት መስካልን እዳራት ደዋይሕ እንዴ ገብአው ከድም ለእንሐው ምናም ለ33ምእታይት አንሳት ክም ዐለዩ፡ እንዴ ሐበረ፡ እትለ እዜ ለገብእ ሕርፊን መሳዋት እት ሕሳብ እግል ልእቲ ትፋኑ።

እት ደንገብ አሰይድ ዘርኢት ለልትሐረው አንፋር ሰለሰ ደርብት በሀለት ዲብ ክል ደርብት ከ3 ሰነት እብ ዓመት 9 ሰነት እግል ልሸቀው ከም ቀድሮ ምኑ ወለዐለ ላኪን ቃኑን ወመመርሕ ክም ኢሰምሕ እንዴ አፍሀመ ሸዐብ ዲብ ሕርፊን እብ ሕሰር ዛይድ አትፋቀደ።



አቅርደት፡ ተእሂል እግል ሸባብ ልትሀዩብ

መክተብ ማሕበር ወጠን ሸባብ ወደረሰ ምዴርዩት አቅርደት፡ ዲብለ ትፈናተ መጃላት ወደረጃት ለሀለው ሸባብ፡ ምህናት ወአምር እንዴ ከሰበው ርሐም እግል ልጠውሮ ወዲብ ድዋርም ዶር ሰኒ እግል ልቀድም አርደዮት እግል ትዋፋሕ ዲብ ሰዴት በራምጅ ከድም ከም ሀለ ሸርሐ።

መስካል መክተብ አሰይድ ያሰን መሐመድኑር፡ እግል ደረሰ ወሸባብ ለልትሀዩብ ተእሂል ቲክኖሎጂ ኮምፕዩተር፡ ወቲድ ድሽ፡ ከሀረብት፡ ኤሌክትሮኒክስ፡ ጀላል ጭገር ወአወላይ

ራድኢት አተላላዩ ክምቲ ሐበረ።

እት ልትሀዩብ ተእሂል 112 አንሳት ለብእቶም 227 ሸባብ ወደረሰ ሻርት ክም ሀለው እንዴ ሐበረ፡ ሸባብ እለ እብ ድፍዕዮት ሕድት ልትሀዩብ ለሀለ ትእሂል እብ ዋጅብ እግል ልትሃዩዮ እብ ወድዋርም አሰር ሰኒ እግል ልሕደጎ አትፋቀደ።

ለደርሰው እብ ጀሀቶም፡ ራክባሙ ለሀለው በክት ርሐም እግል ልጠውሮ አርደዮት እግል እግሎም ክም ሀለ እንዴ ሐበረው፡ ዲብ መርከዝ ለልትርኤ መጋድዕት እግል ልርታዕ አትፋቀደው።

ነቅፊ፡ አትሳናይ አግቡይ ረድምዮት ልተላላይ

እት ምዴርዩት ነቅፊ መዋ-መጦርለ እብ መዓወት ቅዋት ድፋዕ ኤራትርፊ ወሸዐብ ገብእ ለሀለ አትሳናይ አካናት ታሪክ ጀብሀት ነቅፊ፡ ዲብ ድፍዓት ለለአቲ አግቡይ ረድምዮት እብ ኬወ ልትሸቀ ሀለ።

ምዴርለ ምዴርዩት አሰይድ የቀብ እድራስ ዲብ ሀበዩ ሐብሬ፡ ወራት አትሳናይ ድፍዓት እምበል ገበይ ጣፍሐት እግል ልሰርገል ሰበት ኢቀድር፡ ለበራምጅ ቀደም ሰለሰ ሰነት እብ መሻረከት ሙጅተማዕ እግል ልሰርገል ክም አንበተ እንዴ ሸርሐ፡ አሰክ እለ ዲብ ድፍዓት ፊደል 'T'፡ ፋርኔሎ፡ ቴሰተ ወብዐድ አካናት ታሪክ ለለአቲ አግቡይ ከም ትሸቀ፡ ዲብ ድፋዕ ደንደን ለተአቲ ገበይመ እግል ትትሸቄ ክምቲ አፍሀመ።

ድፍዓት ጀብሀት ነቅፊ፡ ቀደም እለ እብ መቅደረት ሕድድት አትሳናይ ገብእ እቲ ክም ጸንሐ ለሐበረ መስካል ፈርዕ ዓዳት አቅሊም ቅብለት በሐር ቀዩሕ አሰይድ የውሃንጎ ገብረየሱስ እትለ ወክድ እለ ገብእ ለሀለ አትሳናይ

ወሸቅዮት አግቡይ ዲብ አደቃብ ነቅፊ ዕላመት ዐጃይብ ወፈራሰት ውርስ አጅያል ዶሩ ዐቢ ክምቲ መናድሊን፡ ወአሻረት ሰሙድ ወመትሰላል ሸዐብ ሰበት ቲ፡ ለሸቅል አሰክ ተአምም መሻረከቶም ክም እብ ጀሀቶም፡ ደፍዓት ጀብሀት ለአተላላይ አክደው።

አፍዐበት፡ ሰብ ጀራዲን ለተአትናይት ፍገራት ክም ረክበው ሐበረው

ዲብ ምዴርዩት አፍዐበት- ሐረሰቶት እዳራት ደዋይሕ ኢይዋሐል ወናር አንሰ ለተአትናይት ፍገራት ለረክበው ምኑ ዐማር ጀራዲን እግል ልጠውሩ ከም ከድም ሸርሐው።

እት አግዳም ሕለል ህካፍ ለለዐምር ሐረሰቶት እዳራት ደዋይሕ ኢይዋሐል እግል ኤሪን እት ሀበዩ ሐብሬ፡ እብ ዐማር ጀራዲን ለአንበተት ወራት ሐርስ ዲብ ሰነት 2020 ዲብ ፈዋክህ ክም ጠወረወ እንዴ ሐበረው፡ እትዮም ወጠለብ ዐዳገ መዲነት አፍዐበት ለአተምም ክም ሀለ አፍሀመው።


እት ባካት ዐግም ምን ልትሸቄ እቲይ ሰኒ እግል ልትረከብ ከም ቀድሮ እንዴ ሐበረው፡ ሰዳይት ማሸነሪ ሰዳይት ወአሰምም ባልዲን እግል፡ ትግባእ እግሎም ጠልበው።

ሐረሰቶት ናር - አንሰመ ምን ሐምሌ እንዴ ሐልፊው ዕጩይ ተመር ፍገራት ሰበት ረክበው ምኑ፡ እበ ገበይ ፋይሐት ከም ለአተላላው እንዴ አክደው፡ መታብዐት ሰብ መቅደረት ሐርስ ወገማት እግል ኢትፈንተዮም ተሐሰበው።

ህቶም እንዴ አትለው ጀርቤ ፈዋክህ ብዕድ መ ወዱ ክም ሀለው አክደው።



ውዛረት ሐርሰ፡ ጌማም ሸቅለ ትውዴ ወእግል ስታት ሐዲስ ትዳሌ



ውዛረት ሐርሰ፡ ወራታት ሰነት 2024 አቃሊም፡ አቅሳም ወአፍሪባት እንዲ ጌመመት፡ ስታት ሰነት 2025 እግል ተአፍግር ለሀደፋ እጅትመዕ፡ ምን 29 አስክ 31 ጃንዋሪ ዲብ አስመረ ወዲት።

ዲብላ ወካይል ሰብ-ሸርከት 0ማር ለሐድረው ዲብ እጅትመዕ፡ ፈድል ከረም ቅዝር ወሸቅል ሕበር፡ የም ዓመት ምን ተሐረስ ዝያድ 414 አልፍ ሄክታር ምድር ቀሪም፡ ቅርጡዋ ዝያድ 38 አልፍ ሄክታር፡ አዝርአት-ዜድ ሐድ 60 አልፍ ሄክታር፡ ለፊይሐ ምድር ህዩ ኣካል ክም ትዘርኡ፡ ወእተይ ህዩ ምስል ሐልፈት ሰነት ዲብ ልትመጣወር፡ ናይ 138 ምእታይት 0ቦት ክም አርአ ተሐበረ።

0ማር ሐምሌ ወፍሬታት እበ ከሰባ ምን ሐድ 4,800 ሄክታር ዝያድ 67 አልፍ ቶን ፈዋክህ፡ ምን ዝያድ 14 አልፍ ሄክታር ህዩ ዝያድ 182 አልፍ ቶን ሐምሌ ክም ትረከበ ተውዴሕ ተህዩ።

እንታጅ ሐሊብ፡ እብ ሰብ ሕዲነ 0ለፍ ንዋይ ወኢረከብ ምድር 0ለፍ መትቀዳም ክም

ይአርኡ፡ ዲብ እተይ ቤጭ-መ ሸቅል-ትፋድ ክም ለአትሐዜ ዲብ ልትሐበር፡ እተይ መ0ር ላኪን፡ ምስል ሐልፈዶ ሐምሰ-ሰነት ዲብ ልትመጣወር ወሰክ ክም አርአ ተአመረ።

ምን ለትቀደመ ተቃሪር፡ ዲብ ግረህ ወሐሰዶቱ እብ ዓመት ዲብ ሐድ 53 አልፍ ሄክታር ለገብእ ምድር-ቀሪም ወራታት ሕፍዘት ማይ-ወትርበት፡ ዲብ ሰብ-አልፍ ሄክታር ህዩ አትሳናይ ክም ገብኡ፡ ወዲብ ረአስ እሊ፡ አርት ማልዮን ምትር ምክቦብ አሸርጎት ክም ትሸቀ ወሐድ 100 አልፍ ምትር ምክቦብ አትሳናይ ክም ገብኡ ዲብ፡ ክምስልሁ-መ 24 ከዛናት-ንኣይሸ ዲብ ልትሸቁ፡ 22 ከዛን ዲብ ሸቅል ክም ህለ ተሐበረ።

ዓፍየት ንዋይ እግል ትደመን እበ ገብእ ካድም፡ እግል ዝያድ አርት ማልዮን ንዋይ ፍድኢት ክም ተህዩበት፡ 0ደድ ሕማማት ወዋት ህዩ ሰኒ ድሁር ክም 0ለ ዲብ ልትሐበር፡ 0ምበጠ-ሰቦት ወዕጨይ እግል ራቀቦት ዲብ 770 አልፍ ሄክታር ታያን ክም ገብኡ፡ ዲብ ዝያድ 34 አልፍ ሄክታር

ለርሕቡ ምድር ህዩ መራቀብት- ሸቅል ክም ገብኡት ተአመረ።

ዲብ እሊ እጅትማዕ፡ ወራታት ከደማት ቀዋሂን ወመራቀብት፡ ብሐሰ ሐርሰ፡ ላባራቶሪ ዓፍየት ንዋይ ወብቅል፡ እዳረት ወማልዮት፡ ከደማት ቃትን ወኣዲት፡ ስትራተጅያይ ንዛም ሐብሬ ሐርሰ፡ ጠወርት መቅደረት አዳም፡ ክምስልሁ-መ አትፋዝያት ወሐብሬ ለሸፊሕ ተቃሪር'መ ትቀደመ።

መሸርከት ህዩ፡ ትትሸቁ ለህሌት ብንዮት ትሕትየት ሐርሰ ወእብ ፍንቱይ ከዛናት እት 0ማር እግል ልው0ል ወሐዘቱ እግል ትትቀየም፡ ሰብ ጀራዲንመ እብ ጣቀት ጸኣይ ጀራዲንም እግል ለአስቱ ሰዳይት እግል ትግበእ እሎም፡ ሐቆ እተይ ለህሌት ህመሌ ምድር እግል ትትሸክ ሰኒ እግል ልትሸቁ ዲብ፡ ጠበቦታይ አግቡይ ሐርሰ እግል ልትደቀቡ፡ ተዋብ ደወርህ-አፍያት እግል ልትሰጀዕ፡ ወእት ሐዋናት ለገብእ ወራታት ብሐሰ እግል ልተረድ ስልብል አረእ ወብዕድ ፈናታት ቀደመው።

እተ መናሰበት፡ እት 0ውቴ ንኢሸ ወመክሰባይት ገርህት ዶር ሰኒ እግል አውፈው 100 ሰብ መቅደረት ወመመቅረሐት ሸቅል፡ ክምስልሁ-መ አቃሊም ወምዲርያት እግሎም ጀዋኣዝ ተህዩ። ወእብሊ፡ እት ኩለ ወጠን፡ አቅሊም ምግብ አወላይ፡ ወምን ኩለን ምዲርያት 0ድነ ህዩ፡ ምዲርያት በሪኽ ሰልፋያት እንዲ ገኡት ጃኣዘት ነሰለዮ።

ወዚር ሐርሰ አሰይድ አረፋይኔ በርሄ ዲብ አስመዐየ ከሊመት ካቲመ፡ ተቃሪር ሰነት 2024 መቀየሰ ለቡ ወእት እንታጅ ለአተንከበ ምን ገብኡ ሐምዲሁ እት ቀድም፡ ሀደፍ “ደማን ወቅዘእ ለበ መነት፡ እግል ኩሉ ወዲብ ኩሉ!” እግል ልትሰርገል ዶርም ለቀደመው ዲብ ለሐምድ፡ እት ሰነት 2025 በርናምጅ ንኢሸ ወመክሰባይት ገርህት፡ ምስል ተዋብ ደወር ወቀፎታት ሰሙይ እግል ልትጨመር ከልሄርር ትፋነ።

ምህር አዳላይ ነብረ ለደርሰው ሸባብ ልትደሐር

እት መርከዝ ተእሂል ከዕላይ፡ አግቡይ ሸቅየት ነብረ ወሕድርኖት እብ ፍዕል ወሸፊሕ ለደርሰው 91 ነፈር ውሕዳት ቅያደት ምውዳቅ ጽኣይ ወሸርከት ብነ ሰንን ዲብ የም 31 ጃንዋሪ ትደሐረው።

ለእብ ውዛረት 0መል ወመንገፍ እጅትማዕየት እንዲ ትዝመ እብ መዓወነት ውዛረት ስያሐት ወሸርከት ብነ ሰንን ለትህዩበ ተእሂል፡ ዲብ ማርሐት ትጃረት፡ መፋህመት፡ ከብቱ ጋሽ፡ አግቡይ ጽብጠት ቤት ወእዳረት ከሸነት፡ መራቀብት አዳላይ ነብረ ወሰተይ፡ አግቡይ ሸቅየት ፈርያት በሐር ወአግቡይ አዳላይ ለትፈናተ ጅንሰ ነብረ፡ እተክምስልሁ-መ መትነፈዕ ኣላት ከሸነት ወቀመማት እቱ ለተንከበ ክም 0ለ፡ ሺፍ ፍሰሃይ ጸጋይ ወወኪ'ለ ትደሐረው ሐበረው።

እት ውዛረት 0መል ወመንገፍ እጅትማዕየት ሙዲር ቅስም ሸቅል አሰይድ ወልደዬሰሰ ኤሊሳ እብ ጀህቱ፡ ዶር አምር ወምህነት ብቅዕት ለት0ንደቀ መዋዋን ዲብ ብነ ወጠን ሐዘቱ ውቅል ሰበት ተ፡ ውዛረት 0መል ወመንገፍ እጅትማዕየት ምስል ሰብሸርከት ጅሃት እንዲ ተዓወነት ተእሂል ምህናት ትንዝም ክም ጸንሐት ወተአተላልዩ ክም ህሌት እንዲ ሐበረ፡ ለደርሰው ዲብ ንዛም ሙነት ተቅዩር እግል ልምጸእ እግል ልክደሞ አትፋቀደ።

ወዚረት ስያሐት አሰይደ አሰካሉ መንቅርዮሰ ወቃእድ ቅያደት ምውዳቅ ጽኣይ ብርጋደር ጀነራል እዮብ ፍሰሃይ ህዩ፡ አግቡይ ሸቅየት ነብረ ወሕድርኖት ምስል ዓዳት ወመንበረት መጅተመዕ ወመንበር አዳም ዕላቀት ለበ ምህነት ክምቱ እንዲ ሐበረው፡ ለደርሰው ለከሰበወ ምህነት ዲብ መንፈ0ቶም ወመንፍ0ትለ መአሰሰት እግል ለአውዕሎ አትፋቀደት።

እት ደንጎቤ ለደርሰው ሸሃዳት ወምን ሰነኖም ለፈደበው-መ ጀዋኣዝ ነሰለው።

እት ከረን፡ መአሰሳት እብ ቃትን ወንዛም እግል ልሸቁ ልትከደም

እት መዲነት ከረን፡ ለህለየ መአሰሳት ትጃረት፡ ቃትን ወንዛም እት ለሐሸመ እግል ልሸቀየ ልትከደም ክም ህለ ትሸርሐ።

እት እዳረትለ መዲነት መስኡል ንዛም ወቃትን አሰይድ ክብርኡብ እንድርያስ እግል ኤሪነ እተ ሀበየ ሐብሬ፡ እብ ገበይ ንዝምት ወእብ አትሀማል መራቅራብት ክም ትገብእ እንዲ ሐበረ፡ ዲብ ሐልፈት ሰነት 1,282 መአሰሰት ምን ተሐዘር አሰክ ደብእ ለትበጹሕ ምስዳር ክም ትነሰአት እት አብርሀ።

እብሊ ህዩ፡ ናይ ነዳፈት፡

አዝበዮት ብዳዕት ባውዘት፡ አንቃሰ ማዘን ባኒ፡ አዝበዮት ምን ትተመነ 0ውል ወልዕል፡ ፈሰታል ለጸንሐ ምስለን ወብዕድ፡ ነቃሰ ለትረከበት እተን 758 መአሰሰት፡ ዝያድ 883 አልፍ ነቅፈ ቅራመት ክም ገብኡት እተን እንዲ ሐበረ፡ ለዛህረት እግል ትንቀስ ፈሀም ሰብ መአሰሳት እግል ልዕቤ ልትከደም ክም ህለ አፍሀመ።

አሰይድ ክብርኡብ እት ደንጎቤ ለልትርኤ ነዋቅሰ እብ መራቀብት 0ሳክር መዲነት ሌጠ እግል ልትከረዕ ሰበት ኢቀድር፡ ሸ0ብ እግል ልትዓወን ትላኩ።



ኢትዮጵያ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተዖት
* ዘህረ 0ለ
* ፋዋን ኣደም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 163471-0758845
አትአመሮት፡
ተለፎን፡ 125013፡ ዕ.ሰ.ቡ፡ 1284

(2ኛ ክፈል)

ምን ሰኢል ዐስር ሐል። ፈጅ አት ሐቴ ዶል

ዓለብ ሰኞታት 1977 ቱ ለአርኤ ለዐለ። ሚዛን ሐላት ዐስከርየት 80% ምን ወጠነ እት ሐንቴ ካፈት ሰውረት እት ለአቴ ገደሰ እቱ ለዐለ እዋን። ብሽራት ተሕረር ምድን ወብሩር ቱ ለዐለ። ብሽራት ተሕረር ምድን ወብሩር እብ ቅርረ ለአሰተብዳት። እግል ዓሰመትን አሰመረ እብ መቃትሊን ሰውርየን እንዴ ሐሰረት ወሐደጠት። ፍግረት አርወሐት ዌረት ምን ሕልቅም ውጻዕ እግል ትፍገር እት ለሐንርቅ። እት ቀርቀረት ልትጸበር እቱ ለዐለው ወክድ ቅሎዕ ጽብሕ ምድር ሐቆ ላሊ ትክ አንጉ። ታመት ብሽረት ተሕረር አሰክ ትትብጽሕ ሎሃተ! ለትብህሉት እቱ ተ። ሰአየት እት ዋቅዕ። ወሐልም እት አማን እግል ልተርጃም ሕድቲት ታርፈት ምን ለዐለት እዋን ቅሎዕ ፈጅር ቱ ለዐለ። ዌራይ ሸሃደቱ ቲቢን ወኢቲቢን ህዩ ብዞሕ እት ህላግ ለካሬ ቴለል እንዴ ገብእ ለልትርኤክ ኢኮን። በሰ ለምምህም ጋር ላኪን አርየዋት በትኩ ምን ጣህረት ሰያደት ቱ ለዐለ። እተ ወክድ ለሀይ ቱ እብ ክእኒ ልትሐሌ ለዐለ። “ቅርረ ወንቅፈ ወሳልሰ አፍዐበት። እላተ ሰውረትን እት ክሉ ተዐወተት!” ተን ልብለ ለዐለየ ኤረትራይት አዋልድ አንሳት። ፈርሐተን እብ ዐውቱ ሰውረት እት ሸርሐ። ወእብ ውጽዔ ወመትፈላል አባይ እት ቀርደ። እተ ገብአት መናሰበት ህዳይ ወሕጻይ እግል እሊ ለሐን እሊ እት ለአዛውራተን ልትሰምዐ ለዐለየ።

ምን ሸየም ወሰብ ገጽ ደዋራት ገብገብ ወአፍዐበት ላቱ። እብ ርዕዮ ወሐርሰ ልትናበር ለዐለ። ምን ክልኤ ለአንሱ ሐቴህን አመት ውላደ አምር ሰበት ዐለ። እግል መደወር ሸከሙ እት ጣሰሱ ወለ ምን ጀህት ቅብለት ወአውለት አክል አሕድ መርበዩ እንዴ ኢልትፈረግ ጠሰሰ ለዐለ ሸሚላይ ሐዋን። እግል ክሉ ፈትዩ ገጽ አብነ መሕሙድ እንዴ ፈፈ። ህቱመ ክምሰለ እግል መለምለ ዕጩይ ወደዮ ለዐለ። እግል ሐደበትለ ዕመቱ ለሸለሸለ እት ሸርፍ ዝያድ ክሉ ልባሱ ወገኖብቱ በክት ተራውት ለትህየበዩ ትመሰል ዐለት።

አብነ መሕሙድ ወድ ዕመር ቀደም መትፈራጅ እሊቱ። እት ደሚሩ ለቀቅሱ ልእከት ፈጻቢት ለቡ ሸዐር እቡ ልሸዕር ዐለ። ክምእኒ ቱ ልብል ለዐለ። “አቤ! ግድም ረቢ ዳግመ ለቤለዩ ዳግመ። አነ ወድ ዕመር አነ!

ወአንጎጋይ እምብል። እሊ ምድገ ለእት በርሀቱ ነአበርህ ወእንሰሐን ለህሌነ ሚ ኢልትሰሚ። ምድገ ገቢል ምን እንብሉ ህዩ። ኢፋልክ ለልብለነ ህለ ገብእ። ወለ ፈጋይር ኒቡሉ ገብእ። ህታመ እት መጻይር ቃርባም ምን ህሌነ እንዴ ኢኮን። አነ ወድ ዕመር አነ!” በልሰ እቶም ክዘን ቤለ አቡዬ መሕሙድ እግል መደወር ሸከሙ ለሐት ሐቴ ሺብ ኑፍር እቱ ለዐለ እት ጣሰሰ ወረዋሰሰ። እብ ደሚሩ ህዩ። እት ሰጅላት ፈቃዲቶ ናይለ ሐልፈ ሰኒን ወመዳግሙ እት ተውቅ ወተምሱ። ላመ ልትሰአሎ ለዐለው ሰነ። ወሐወ እት ወድ ርሐ ኢኮን። እት ውላደምመ እብ ሕሸመት ልትሰአሎ ሰበት ዐለው። እብ ክእኒ በልሰው እቱ። “እህህ! እንተ አብ መሐመድ መሕሙድ በሀልክ ወአልባብክ ብዞሕ ቱ። እንታዲ ግድም አተንበሊት ሰሚተ እብ ለኢትሰአልነ

ንፉዝ አሰኩም እት ልትወለብ። እብ ክእኒ በልሰ እቶም። “ዐይ! ወሀ ጀለ! አነ ወድ ዕመር!” እት ልብል። ተፍኪሩ እብ እብ ከያሉ ለአትዋርዱ ወለአትቃውሩ ለዐለ ተዋልል እት ሸሬሕ እግሎም። እንዴ አትለ ህዩ። ክምእኒ ቤለዮም። “ሓምድ ቦሉ ሕሙድ ዮም ወፈንጎሕ ልግበእ ወልዬ ሓምድ! እላተ ሓለትን ምን እቱ ዐልነ ተዋልል ወለ እብ ወረድነ ጸብዋነ ለዐለ ዌራይ እብ ወራዱ እንዴ ጸብዋ እት ሓለት ፍራቅ ወፍራጥ ባጽሕ ለሀለ። እሊ እሉ ትርኤ ቱ ዮም ወፈጅር ልብል ለሀለ። “በደል ሕነ እንፋርጥ ወእንጋራግጽ ዐልነ። ህቱ ኢኮን ፋርጥ ህለ” እት ልብል ሰሚት ወልዱ ሓምድ ሸርሐ እግሎም። እንዴ አትለ ህዩ። “ላመ እብ እንትሳራቶም ንትለውቅ ለህሌነ መናድሊን ለእግል ልሰሕኖ ለህለው እሳት ምድጋህ ለከረ እግሎም። እምበል ሓምድ እድርሰ ዐዋቱ ወድ ፋይደም ሚ ኢኮን አነ ወድ ዕመር! ሓምድ ምንዲ እንብሉም ዮም ተ ኢኮን አምዕል ሰሚቱ። ሰሚት ፋርሰ ህዩ። ፋርሰ ልትሰመዮ ራፍዐ ልግበእ አነ ቀልዕ አነ!” በልሰ እቶም። ክእግል ሸዐርም ልራቅብ ሓዘ እት እንቱ አትቃመተዮም። ህቶመ እብ ዎርት አፍ እብ እግሉ ለአትዋይን ለዐለ ተዋልል እት ልትፈከር። በዐል ገጸም ወሰሙይ ሸፍርም እብ ግብአቱ። እብ ሕሸመት ወፈተ እብ ዎርት ንሳል እብ ክእኒ በልሰው እቱ።

“ሰኒ አማንክ ኢኮን ገብእ! አብ መሐመድ መሕሙድ። ራፍዐ ልግበእ ሓምድ ምንዲ ትሰምዮ ሰሚት ኬሩ ትግበእ እግሉ ወልርፈዐ። ክመ እግል ትቤ ሕሙድ ዮም ወፈንጎሕ ልግበእ። እግል ሰሚት ወድ ዐዋቱ ወድ ፋይደም ምንዲመ ተአወርሱ ተአሰትህለ። ህቱመ ምን ዲጸትክ ማጽእ ገብእ ምንዲ ገብእ ቶቤን እት ረቢ እንዴ ኢኮን። ኢለሐምቅ ወኢልትከረም። ፋርሰ ዐድ ወክደን ሌግ ገብእ ሸክመ አለበ እለ” በልሰው።

አብነ መሕሙድ ወድ ዕመር እብ ጠቢዐቱ። እግል ቅብላቱ ለበልሰ ልብቱ ለከሬ እንዴ ኢኮን። እብ ህግዩ ዐቢ ልግበእ ወንኡሽ ኢጋድኡ። ክልኢቶም ክምሰል በልሰው እንዴ አትለ። “አሚን አሚን ውላድክም ልትገበል እትክም። ሓይላም ወፈጻብደም ናሰክም እንትም ምንዲ ገብአክም እግልዬ ትትባልሐው ለህሌክም። ወለአሰሌሕ እግልነ ወእግልክም እብ ሕበር። ሐሬ ህዩ ሓይላም ናሰክም እንትም ቱ። እንትም ሐቆ ዋፈቅም እተ አናመ እብ እግል እቤ እትሐብን ወእሸንን። ለትወለደ ሳሌሕ ልግበእ ሌግ። ቀደም መትወላዱ ገቢሉ ሕሉል ውውጻዕ ሰበት ዐለ። ወእብ አዜ ምስል መትወላዱ እንርእዩ ለህሌነ ሓለት መትቀዳም ወነሰር እብ እንዴ አመሰሰናቱ እንዴ ኢኮን። ህቱ ዲ እትሌህ ኢሻረከ ወእትለ። መስተቅብል በክቱ እንዴ ሰነ ክእት ታመት ሕርየት ለገናድል ሊደዩ

ጥላይ” በልሰ እቶም። ከአሰክሰ እትለ አነንሰ ሰማየት መጽኦ ለዐለው ክልኡት ሸዮብ አትቃመተ ምናም።

ሰኒን ክታሩ አተላላ። እንትሳራት ሰውረት ምስለ እተ ወክድ ለሀይ እት አቶብዩ ልትርኤ ለዐለ መትዐዳይ ሕክም አባራት እምብራጦርየት አቶብዩ። ምን ንዛም እምብራጦርየት አባራት መትዐዳዩ እት ንዛም ዕስከሪ ደርግ ቱ ብዱል ለዐለ። ምን ክትል አሚሪክ እት ክትል እትሓድ ሶቬት ልትዕደው ቶም ለዐለው። እብለ ህዩ። በደል ሄራር ረአሰክ ቀደም እንሰሓብ ረአሰክ ሐር መጽኦ። በደል መግደያት ውቁል እምበለ እት ዮም እት እንቱ ሓለት ፈጅር ለአትወይን ለዐለ ሚርሓይ ተንዝም ጀብህት ሸዐብየት እግል ተሕረር ኤረትርዮ። ሀጎጋይ መግደያት እት ደሚር ክል መዋዋን እግል ኢልኢቱ ትፈርህ። ላኪን እብ ፈድለ ረሸደት ቅደደት። ወምሐርባይ መናድል እተ ወክድለ ስድት እብ ረህት። ወሕላሌ። እብ ዐውቱ ፈጅር ለበሸር ረዩም ኤታን ፋግር ዐለ። እግል ረዩም መሳፋት ለዐውል ቃሊ አርወሐት ወምምተለነት ድጭ እቱ ለዐለ። ምን ሐዲሰ ዐውል ቃሊ እት ልትደፈዕ እቱ። ረአሰክ ሐር እንሰሓብ ምን አፈት ዓሰመትን አሰመረ። አሰክ ግረ እግል ለአቅብል ለትቀሰብ ሓለት ድሩሪየት አጅበረት እቱ። እብለ ህዩ። ቃሊ ተበን ትሰአሉ። ተንዝም ልግበእ ወጀማሂሩ “ሐቆ ጸልመት ዮም። በርሀት ፈጅር ህሌት” እት ልብሎ ቶም። በደል ምስለ ለህጎጉ ለዐለው መግደያቶም ለአወድቆ። ዕንፋቂህም እንዴ ሰደው። ክምሰል አርወሐቶም ትጋለደው። ሰብእነት። ኤማን። ተሐዲ። በታከት። ሰሙድ ውቁል መግደያት ክል ዶል ለእቡ ልትሌለው ስቅራቶም ቱ ለዐለ።

ሓለት ሚዛን ዐስከሪ መትወቃል ወመትደሃር። መትቀዳም ወመደንጋር ሰውረት እት ወድነ ቅታል ወዐስከርየት እት ወቅት ሐጨር ካልእ ሓለት ትቀደራት አርኤት። ሚዛን ዐስከርየት ምን ሰውረት አሰክ ዌረት አቶብዩ እት ልትደለል መጻኦ። አቶብዩ ክትል መዐስከር ሐዲሰ እት ሐንቴ ክትል ወጽላል ከሌብ እትሓድ ሶቬት ገብአት። “ሰኒ” “ሰኒ” ልብሎ ቂመት ሰኔት ለኢለአምር ዌረት ወዜምተት ሕክም አቶብዩ። “ክትልክም ህሌነ” እት ልብሎ እተ አውቃት ለሀይመ “መንባነ እት ሐንቴ ክትልክ ህሌነ” እት ልብሎ። ክሉ ዲራይ ሐዲደን አርብ እት ረአሰ ገቢልነ ጀምዐው። ለሃድእ ወጽሩይ ለዐለ ጀወ ወምድራ። ዕሳሰ ወተናን አሰለሐት ክምሰል ገብእ እብ ትትቀደር ተሐት ወለዐል እግል ልትገናበው አንበተው። አድብር ከበሰ ወሳሕል። ጋድሞታት በርከ ወሰምሀር ሸግሎ ቅዱይ በደል ዐለ። ቃሬት ወግርት ሰጎ ዋራይ ለተአበሸል ክምሰል ጸኔ ወደው። አረይ ለገብእ አረይ እት ገብእ። ለተርፋመ መንበርህ ክምሰል ትትሐምረግ ወደው። ጭራት ወቅዲት ሐቆለ ሰላመ ሞዳይን ትሐምረገት ምን አዩ እግል ትትረከብ።



ሸሃድ ሓምድ መሕሙድ (ሓምድ ቀደሕ)

ዐምሳት ለትወልደ። ወሕክም ለፈርደ። እምበለ ክልቂን ደልዩን አለቡ እንዴ ኢኮን። እለ እም ዕያል ሕጻን ወልደት ምንዲ ገብእ። ሓምድ ወሰሚናህ። ያረቢ እብ ሰላመተ እት ሕቅፈ ህዩ። ሸንሂት መክሉቅ ተ ለሕንቁቅ እት ሞላህ እንዴ ኢኮን። ክሉመ አንሰ ወተብዐት ምን እንዴ ፋረገዩ” እት ልብል ህዩ። እግል ሸንሂቱ እት ሸሬሕ ሐቆ ሰላመት እም ዕያሉ። ምን ረቢ ቀሰመዮ ወኪን አንሰ ወተብዐት እንዴ ቤሉ። እግል ለአትሃርብ ክምሰል አለቡ እብ በሀሉ አርወሐቱ ለአትዐግብ ዐለ። ረቢ እግል ጣይዑ ገብሩ ትምኔቱ ብዞሕ ኢከልኡ። ሞላይ እንዴ ወደ ወወዳደ ክእሲት አቡነ መሕሙድ ሕጻን ወልደት።

እሊ ሕጻን እሊ አምዕል ሰማየቱ። ምን እግል ልትሰሚቱ። አብ ፍላጎ።” እት ልብሎ ትሰአለው ሐው። ሰነ። ፈተቹ። እሰልፍ እብ መትዐጃብ ወመትፈካር ሰኒ ሐቆለ ትሰሐቀ እግሎም። እብ ክእኒ በልሰ እቶም። “በዲር ላቱ ዮመቱ ምን ሰሚት እሊ በዐል በክት ወብሶት ውሉድ ለሀለ ዕንቃቅ ወኢትሰአልኩኒ። ሰሚቱ ናሰ ማርሐት እግሉ ህሌት። እብ እለ ወሌሀ ሰሚቱ ሓዘ ጋብአት ይህሌት

እግል ኢተኡብለዐኑ። አሰአለነ እንታዲ ተሕረር ምድን ወብሩር እግል ቲቡሉ ኢገብአክ ምንዲ ገቢእ። ሰአልነ ህዩ እብ ሰአል እት ነሐርነ ኢትብለሱ እግልን” በልሰው እቱ ከዩም አተንሰዮት በሊሱ ገብአው ምን ሐዲዩ።

አብነ መሕሙድ ወድ ዕመር እተ እት ዐድነ ለዐለት ሓለት ሰያሲየት እብ ፍክሩ ምን እንብትባተቱ እት ዕምር። አሰክሰ እተ ሰነት ለሀ ልትጋዩሰ ለዐለ ተዋልል ወግጽሐ ለዐለ ትጠዊራት ዐስከሪየት ወሰያሲየት። እብ ፍክሩ እብ ሐት ሐቴ ክምሰል ተሸበሐቱ አትዋረደዩ። ዶል አሕዛብ ሰያሲየት ወዶልመ ሓር መትአንባት ግድለ ክፈሕ መሰለሕ። ወዲቅ ወቀኒጽ መትደንጋር ወመትቀዳም እብ እጃቢዮት ወሰልቢዮት ምስሉ ዐርገ ወትከረ እት ወድነ ግድለ። ክል ሐቴ ክእብ ዕሰ ከዩለዩ። እግል መብዘሐ ዶል ምን ረአሱ ኢፈንትዮ ዕመቱ እት ረዋሰሰ ወረአሱ እት ነክንኩ ሐቆ መደት ህቱ ብዘሐት ተ ለኢቤለ ወእግል በሊሱ ልትጸበር ለዐለው ሰነ። ወቅት ሰኒ ረዩም ለተርኤቶም ሐቆለ ጸንሐ። ምን እግሉ ተልትል ለዐለ ዝክሪዮት እብ ሻፍግ ክምሰል

ሰዎች፣ አባል በረከት

እነሱ ለሁሉም ወክል አሰክ አቅላም ጋሽ-በርክ እንደ ተሰጠው ግልጽ ተወካዮች ምዴርየት ባርንቶ እግል ንድፍ፣ ምስል መምህር ዳዊት ከላለ ኩሉ መስሎል ተወካዮች ምዴርየት ባርንቶ ሃድጋም ዐልገ። ታምም ጸበጥ ህድግን ህዩ ዲብ እለ ናይ የም ጥብብት እንቀድሙ እግልኩም፣ ቅራኑት በኪተት።


ሰአል፣ ስሙማይ ከደማት ተወካዮች ምዴርየት ባርንቶ ለከሰሰ እግል ትውዴሕ እግል።

በሊሱ ከደማት ተወካዮች ምዴርየት ባርንቶ ዶል እንርኤ፣ 16 እዳራት ደዋሐ ህለዩ። እነሱ ከሰን እዳራት ደዋሐ ምን ክልኤ አሰክ ሰለሰ መዳርሰ ህለዩ። እሊ ህዩ ምን ረውደት አሰክ 11 ፈሰል ለህላቱ። ረውዳት 11፣ መአንብታይ 25፣ ምግባይ ደረጃት 9፣ ወካልይ ደረጃት 2 መዳርሰ ህለዩ። ዲብ መአንብታይት ደረጃት እብ 4 ሀገጊት ለአደርሰ። እብ ትግርኛ 5፣ ናረ 3፣ ዓረቢ 1 ወእብ ኩነመ ህዩ 23 መዳርሰ ህለዩ። ምስል እሊ ምን 1ይ-3ይ ለልአደርሰ መዳርሰ ምህር እግል ዐባዩ፣ 1160 ለገብእ ናይ ለሁሉ ሰነት ደረሰ ዐለ። ዲብ እለ ሰነት እለ ህዩ እንቡት ሰበት ኢህለ ለዐደድ ልሰዕ ኢትጅም። ናይ ዐረቡ መ 7 ኑቅጠት ዲብ ለደርሰ 425 ደረሳይ ዐለው።

እሊ መዳርሰ እሊ እብ ደረጃት ብናሁ ዶል ልትርኤ ሰለሰ ደረጃት። ዲብ ዳሳት ለልአደርሰ 11 መድረሰት፣ ዲብ ዳሳት ወብ ለልአደርሰ 7 መዳርሰ ወዲብ ብክ ሰነ ለልአደርሰ 19 መድረሰት። ለበዝሐ ደረሳይ ናይ እሊ ምዴርየት ክልኤ ሰልሰት



ለገብእ ዲብ መዳይን ደርሰ ለህላቱ። ሰበብ እሊ እብ ሕዲን ወጭብ መዳርሰ ብዙሕ መሻክል ሳድፍ ህለ። ዲብ መአንብታይት 3800፣ ዲብ ካልአይት ደረጃት መድረሰት ቢሸ ምን እንርኤ መ 4400 ደረሳይ እንዴ ትከብት ተአደርሰ ህሉት። እሊ ህዩ ዲብ ነዲፍ አግቡይ አድረሰት፣ እግል ተአዲፍ ወትራቅቡ ክብድ ልብል። ዐክሰ ናይ እሊ ህዩ ዲብ ብሩር ለህለ መዳርሰ ሕዲን



ደረሰ ሳድፈን። እግልሚ ለሸዑብ አውለውየት እግል ተወካዮች ሰበት ኢህለይቡ ውላዱ ዲብ ርዕዮ ወሐርሰ እግል ልትፈረር እግሉ ሰበት ለሐዘ ወለአትፈርር። እሊ እግል አሰነዮት ትሉሉይ ተወካዮች ወአፍሀጥት እት ገብእቱ ልትጋየሰ ለህለ። እብሊ ለዐደድ ደረሰ ነቅሱ። መሻረከት አዋልድ አንሳት ዲብ ዐግሎ ተወካዮች ህዩ ለዐደድ ሰነቱ። እብ ምእታይት ዶል ልትርኤ ህዩ 49.3 ባጽሕ ህለ። እግል ልትውዳሕ ለህለ እግሉ ላኪን ለመሻረከት ዲብ መአንብታይት ሰነ ምንግተ፣ ደረጃት እንዴ ወሰክ አክለ ገሰየ ለመሻረከትን እንዴ ትነቅሱት ልትገይሱ። ስሙማይ መሻረከት ህዩ ምን ሰነት ዲብ ሰነት ምስለ እብ ሕክሙት ኤረትርየ ጸቡጥ ለህለ በርናምጅ፣ ለገብእ ግርዝ ምን ተወካዮች እግል ልትረፍ አለቡኒ ለልብል እብ ውዛረት ተወካዮች ልግበእ ወእብ እዳራት ደዋሐ ሰበት ልትሸቀቡ ወመጥሩ መዳርሰ እንዴ ልትወሰክ ገይሰ ሰበት ህለ። ዲብ ሰነት 2022 ሐድ 21 አልፍ ለዐሉ ዲብ 2023 ሐድ 22,794

በጽሑ፣ አዘ ህዩ ሐድ 23 አልፍ ወምን፡- ወለዐል እግል ልግበእቱ ለልብል ተቅዩምቱ ለህለ። ብዝሐ ሙደርሰን አሰክ 710 ለገብእ ህለው፣ ምናተ ዲብ እብ ሃገጊት እም ለልአደርሰ መዳርሰ መሻክል ህለ። በዲር ሙደርሰን እብ ልትፈናተ ሀገጊት ለፈሩ ሰበት ዐለው መሻክል ኢዐላኒ። እትሊ ወክድ እሊ ላኪን ምስለ ምን ዶል እትዶል እበ ገብእ

ወራታት ተወካዮች ምዴርየት ባርንቶ

ዓፍየት፣ ርደደት ወንዳት ዝያድ እንዴ ረከዘን እንሸቁ እቱ። እሊ ህዩ ዲብ ፈሰል እንዴ ተርፈ እብ አንድየት ናይ ዓፍየት ወብዕድ ተግሰል ወሕላይ እንዴ ወዱ ክም ደርሱ፣ ርደደት ህዩ ምን መድረሰት ለአንቡ፣ አሰክ ምዴርየት ወአቅላም ለሻርኩቡ አግቡይ ልትሸቀቡ ህለ። ሰበት እሊ ምስል ተወካዮች ለገይሰ ነግሞት ንትነፋዕ እቡ ወክም ልትሸቀቡ ቱ ለምራድ ወተብጊሰት ገብእ እቱ ለህለ። ዲብ ገሌ ገሌ መዳርሰ ላኪን ናይ ብንየት ትሕትየት መሻክል ሰበት ህለ። እብ ፍንቱይ ህዩ ዲብ አዘ ልትሸቀየ ለህለ ኢኮርዐ ምንገብእ እብ መቅደረት ናይ ክለን መዳርሰ ለነግሞት ገብእ ህለ።



መም. ዳዊት ከላለ

መትኣካር ልትርኤ። ላመ መዳርሰ ዲብ ዳሳት ለልአደርሰ ሰበትቱ ክል ሰነት አሰነዮት ሰበት ለሐዘ እሊ መ ክም መሻክል ልትርኤ። እንዴ አሰብዴክ እትካራም ህዩ ደንከንቱ። አትካራም ለልትርኤ ምን ምግባይ ደረጃት ወለዐል ዲቡ ልትርኤ። እሊ መስኩልየት ናይ ዐደም ለጸውራም ብዝሓም ደረሰ ሰበት ህለው። እሎም ዲብ ባኩቶም መድረሰት እንዴ ረክበው እግል ኢሊአተላላ መዳርሰ ረይም ምናም ወምን ባኩቶም እግል ኢሊጊሶ ህዩ አካፍም ደብእ ልትሰአን፣ ሰበት እሊ ለአትካር ህለው።

ሰአል፣ እት ደንገበ መምህር ዳዊት ለትብለ ከሊመት አው

ሰአል፣ እግል ሕገዛም ደረሰ ለትገብእ ሰዳይት ህዩ ሚ ትመሰል? በሊሱ፣ እብ እዳራት ደዋሐ እንዴ ትደረሰ እሊ ደረሳይ እሊ ርሱማት ልግበእ ወናይ ደፋትር እግል ልድፈዕ ክም ኢቀድር ለትኣክድ ወረቀት ትከተበት እግሉ ምንገብእ። አሰክ ለጅነት ናይ ተወካዮች ተሐልፍ ወ ሰዳይት ትገብእ እሊ። እብ ደረጃት መድረሰት ወውዛረት ዐመል



ወራዳየት እጅትግዕዮት፣ ክል ሰነት መራቀብት እትገብእ እግሉ ደፋቲር እምበል ድፍዕየት ልትሃየቡ፣ ክም መሰል ዲብ እለ ለሁሉ 240 ለገብእ ደረሳይ ተህየበው። እብ ውዛረት ተወካዮች ዲብ ምግባይ ደረጃት ለበጽሐው እንዴ ተሐገዘው መድረሰቶም እግል ኢሊአትካር ህዩ ሰላዲ ለትገብእ ሰዳይት ህሉት።

ርላላት ምን ተህሌ?

በሊሱ፣ እት ኣክር እግል ኢብለ ለሐዘ ክመ ሰልፍ ለእቤሉ ዲብ መዲነት መሻረከት ውቅል ህሉት፣ ምናተ ለመራቀብት ናይ ዋልዲን ስሙም ዲብ መዳርሰ እንዴ መጽአው ውላደም ለታብዖ ህለው። ለበዝሐ ሙጅተማዕ ህዩ እግል እሎም እግል ልምሰል እትፋኔ። ዋልዲን ውላደም አሰክ መድረሰት ልእከት ሌጠ እንዴ ኢገብእ ሚ ደረጃት እግል ልብጸሕ ቡ እግል ልታብዖ ወርእየት ዋድሐት ሙስተቅበል ለጽብጥ እቡ አግቡይ እግል ለአርእው። ዲብ ናይ ብሩር ህዩ እትሊ ዘበን እሊ ዐለምን ባጽሐቱ ለህሉት ተጠውር ነቲጅት ተወካዮች ክምቱ ዋልዲን እንዴ አመረው፣ ምን ተወካዮች ርመት አክል አዩ መደረት እግል ውላደም ለአበጽሐ እቱ ክም ህለው እግል ልፍሀጥ። ፈንገሕ ፈጅር ዋልዲን ሰበት ኢሰደውናቱ ኢትዐለምን ለትመሰል ሂገ ወሸንርብ ምኑ እግል ልሰሉም እትፋኔ።

ሰአል፣ መድረሰት እንዴ አንቡከ አትካራም ወዲብ ለወጅብ ዕምር የአንቡቶት ከአፎ ህለ? በሊሱ፣ እት መዲነት ብዙሕ መሻክል ኢህላኒ ለጅነት እት 4 ሰነት ዕምሩ ረውደት ገይሱ። እብሊ እንዴ ተአክርክ አሰብደየት ብዙሕ ኢህላኒ። ለህለ መሻክል ብዙሕ ናይ ረውዳት ለልአደርሰ መዳርሰ ፍቶሕ ሰበት ኢህለ ሌግቱ ተአክራት ለመጽእ ለህለ። ናይ ብሩር ላኪን አውለውየት እግል መናበራቶም ሌጠ ሰበት ለህይዖ ወለ አሰብደየት መዳርሰ ምስል ወክድ ቀይም ሰበት ገብእ



ካቲሙ- እስት-ዕማር

ካይሳም ወካይሳት ቁርክት ዲብ ሐልፊ አውካድ ታሪክ ንዓል ሸዑብ ኤራትርየ እግል ልትወሰቅ፡ እብ ገብአ ጸገም ተጃርብ ንዓል ድድ እስት-ዕማር ለሌላኬ አክትብት ብዙሕ ትኩቱ። ምር ምን እሊ አክትብት እሊ ህዬ ለናይ ደንጎብ ሐርብ ተሕሪር ለከሰሰ ካቲሙ ለልብል ክታብ ቱ። ዲብ እሊ ክታብ እሊ ብዙሕ ለለት-ዕጅብ ወለለት-ሐብን ቅሰሰ ክቱብ ህለ። ቀደመ ቅሰሰ ላኪን ሽልፍየት ናይሊ ናይ ካቲሙ ሐርብ ሚ መሰል ዐላ፡ መርሐላት እብ መርሐላቱ እግል ንርኤቱ ከእግል የም 12ይ ወናይ ደንጎብ ክፋል ልተላሌ።

መዓል 23 ማዮ

ዲብ እሊ አምዕል እሊ፡ ዲብ ባካት ተረ-እምኒ እንዴ ገብአ ዳሬዕ ለተመዮ ዲብ አባይ ደባባቱ እንዴ ጸብጠ አሰክ ድባርወ አተጀህ። ለዲብ ዐለየ ውሕዳት ክፋል-ዳሽ 70 እንዴ ካደደ አሰክ አሰመረ እግል ልሕለፍ ህዬ ለትትቀደሩ ጀረበ። እብሊ ጀርቤ እሊ ሐድ ዳሽ ወሰለሰ ደባባት አሰክ አሰመረ ሐልፊው። ለተርፈ ዳሽ ወደባባት ላኪን እግል ልሕለፍ ሰበት ኢቀድረ እብ ተማሙ ትጸበጠ።

ግሪ እሊ ገሌ ክፋል ውሕዳት ክፋል-ዳሽ 70 አሰክ መንደፈረ እንዴ ሄረረየ ሳዕት 13:00 አደሐ መንደፈረ አተዮ። ሄራረን ዲብ ለአተላልዮ ህዬ ዐዲ-ኳለ በጽሐዮ። ዲብ ዐዲ-ኳለ ወድዋራተ ለዐለ ዳሽ አባይ፡ 22 ማዮ አሰክ ትግራይ እግል ልትዕዴ ዲብ ክሳድ-ዕቀ እብ ሐቱ ብርጌድ ዳሽ መሐሊ ወውሕዳት ሀንደሰት እንዴ ትከረዐ ክሉ ክምሰል ሰልም ወሰልሐ ክምሰል ከሬ ገብአ። ሐቀሁ አሰክ ትግራይ ተዐደ።

ለዲብ ድባርወ እብ ሸኩቲ እንዴ ወደ አሰክ መንጉደ ለሄረረ ውሕዳት፡ መካሪት ምድር ሰበት ኢሰደዮ ዲብ እሊ አምዕል እሊ መንጉደ እግል ልጸብጦ ኢቀድረ። ምናተ ገሌ ውሕዳት ናይሊ ክፋል-ዳሽ ላሊ ጀህት ምውዳቅ ጸሓይ እንዴ ትመደደዮ ሮራብ ፋግራት

ተመዮዮ።

መዓል 24 ማዮ

ዲብ እሊ አምዕል እሊ ክለን ውሕዳት እብ ዐለየ እቱ እትጀሃት እንዴ ትመቅረሐዮ ህጃማተን ዲብ ለአተላልዮ ገጽ ቀደም ሄረረየ። ክፋል-ዳሽ 52 እብ ትብገሰት እብ እትጀህ አባይ እምበል ለገአት መቃወሙት እግል ልህረብ ሰበት አምበተ ገሌ ውሕዳት ድማን ወድገሉብ ጽርግዮ አሰመረ ዐዲ-ሕወሽ እንዴ ጸብጠየ እት ኩርብ እምበይቶ ፈግረ እት ህለዮ፡ ባካት ሳዕት 11:00 ህዬ ብሎኮ ጎዳይፍ በጽሐዮ። ገሌ ክፋል ውሕዳት ክፋል-ዳሽ 52 እብ ጀህት ዐዲ-ሐወሽ ወጸሎት አሰመረ ሐቀሊ አተዮ። ምን ጀብህት ግንደዕ ወዐዲ-

ህጃማተ እትላ አትመመት።

ክፋል-ዳሽ 85 ዲብ እሊ አምዕል እሊ ለገብአት ትግበእ መቃወሙት አባይ እንዴ ኢልትሃደፈ ክርብ እምበይቶ እንክር ድማን፡ መርሐኖ ህዬ እንክር ድገሉብ እንዴ አትላ አሰክ መከረዮ ጥያራት አሰመረ አተ።

ክፋል-ዳሽ 16 እስቡሕ ሳዕት 6:00 ምን ዐዲ-ቀሺ፡ ላምዘ ወዐዲ-ሀከፈ እግል ህጃም ትብገሰ። ክገብአት ትግበእ መቃወሙት አባይ ሰበት ኢዐለት ህዬ፡ ባካት ሰዕት 10:00 አዳሕየት ዐዲ-ጳዕዳድ አተ።

ዲብ እሊ አምዕል እሊ ገሌ ውሕዳት ክፋል-ዳሽ 70፡ ምን ሰለዕ-ደዕሮ እንክር ምውዳቅ ጸሓይ ለህለ አካናት ጸብጠ። ዲብ ደባባት



ዳሽ አባይ ምሰል መምተላካቱ ጸብጠዮህ። ለእብ ጀህት ምውዳቅ ጸሓይ እብ መጣር አሰመረ ለአተዮ ውሕዳት ክፋል-ዳሽ 70 እብ ጀህተን እግል መዐሳክር ትራክ-ሲ ወትራክብ ወቁሽት እንዴ ጸብጠየ ህጃማተን አተመመዮ። ለአሰክ ዐዲ-ኳለ ወክሳድ-ዕቀ ገጽን ለጌሰየ ውሕዳት ህዬ፡ የም 24 ማዮ፡ ምን መንደፈረ እንዴ ትብገሰየ እብ

ፈጅሪትላ አሰመረ ለተሐረረት እቱ፡ ዲብ የም 27 ማዮ 1991 ዳሽ ሸዕቢ ዲብ ሐንቱ ዳሽ አባይ እግል ዐለት ሚነት ዐሰብ እግል ልጸብጦ ህጃም ሀረሰ። እሊ መጦርላ አዲሰ አበበ እግል ሐረርት ገብእ ለዐለ ናይ ደንጎብ ህጃም እግል ለአሳድር ለትከጠጠ ዐለ። ዳሽ አባይ እብ ክለ ሐሊቱ እግል ልትሓረብ ሰበት ኢቀድረ ላኪን፡ ዳሽ ሸዕቢ ዲብ ቀበት ሐቱ አምዕል ዐሰብ ሐረረ። ዲብላ መዲነት ለዐለ ለበዘሕ ዳሽ አባይ ልጸብጦ እት ህለ፡ ለተርፈ ህዬ አሰክ ጅቡቲ ወዮመን ሀርቡ። መጥ-መጦር እሊ ዳሽ ወደኔ እብ ደባባት ወሰለሕ ክበድ ጀብህት ሸዕብየት እንዴ ተ'ለ ዲብ የም 28 ማዮ 1991 ለትጸብሕ ላሊ አዲሰ-አበበ እግል ሐረርት ህጃም ጠለቀ። እምበል እት ሐረት ዳዋን ሕኩሙት አዲሰ አበበ እግል ደባባት ጀብህት ሸዕብየት ለተሃደፈዮን ሸብህ መቃወሙት ህዬ፡ ዳሽ አደኔ መከናደዘድ ወኮማንዶ ጀብህት ሸዕብየት፡ ዲብ ጸብሕ ምድር ናይ የም 28 ማዮ 1991 ዓሊመት አቶብዮ አዲሰአበበ እብ መቃወሙት ብዘሕት እብ ተማመ ተሐረረት።



ሮሶ እንዴ ልትገለል እግል ልምጸእ ለቀድር ዳሽ አባይ እግል ከሬዕ እብ ሸፋግ እብ ማይ-ጨሆት እንዴ ወደየ አሰክ ቤት ገርጊሰ አተጀህዮ። ለምን ጀብህት ግንደዕ ወዐዲ-ሮሶ ለሸክተ ብዘሐ ለቡ ዳሽ አባይ ዲብ ቤት-ገርግሽ ሸውየ እግል ልትቃወም አምበተ። ምናተ እሊን ውሕዳት ዳሽ ሸዕቢ እብ ቀሊል ራቀቢዮህ። አባይ እግል አሰመረ ተረግ እንዴ አበለ እግል ልህረብ ሰበት አሰተብደ ክፋል-ዳሽ 52

እንዴ ጸብጠ ዲብላ ባካት ኑግትግ ልብል ለዐለ ዳሽ አባይ እግል ልሰልም እብ ምር አሰር ጀዋብ ትላክክ እቱ ወለዳሽ ምሰል ደባባቱ ክምሰል ልጸብጦ ገብአ። ለተርፈየ ውሕዳት ህዬ እግል ሸንክት ምውዳቅ ጸሓይ ገጽ ለሀርብ ለዐለ ዳሽ አባይ እግል ልክረፈ እብ ደዕር-ቃውሎሰ ወቁሽት እንዴ አበለየ አሰክ ጸዐዘገ፡ ዐዲ ገብሩ ወደናጉል እንዴ ተሐረከየ እብ እግል ልህረብ ጀርብ ለዐለ

ገበይ ዐረዘ፡ ባርንቱ አተዮ። ምሰል ዲብ ለጸንሐየ ምን ጀብህት ከረን ለመጽአየ ውሕዳት እብ ሕበር አሰክ ተሰነይ እንዴ አተላልዮ ህዬ እንዴ ትፈንጠረ አሰክ ሱዳን ገጽ ለሀርብ ለዐለ ሐድ 80 አልፍ ዳሽ ደርግ እንዴ ጸብጠየ ወራተን አትመመዮ።

ለእብ ጀብህት ደቀምሐሬ ለአምበተ ናይ ካቲሙ ህጃም እብ ዲብላ ጀብህት ርቱባት ለዐለየ 4 ክፋል-ዳሽ በህለት 16፡ 52፡ 70፡ 85 ምሰል መከናደዘድ ብርጌዳት 73 ወ34 ውበዕድ ሴድየት ውሕዳት ለገብአ፡ ዛይደት መሻረክት ገቢል ለዐለ እቱቱ። 23 ማዮ አባይ እግል አሰመረ ወከረን ተረግ እንዴ አበለ እግል ልህረብ አሰክ ተሰነይ ክምሰል አተጀህ፡ ዲብ ጀብህት ከረን ለዐለየ ውሕዳት ዳሽ ሸዕቢ ዲብ ባካት ሐሊብ-መንተል እንዴ ተሐረከየ እብ ከቤን ብዙሕ ዳሽ ወአሰለሐት አባይ ለአተርፈ እት ህለዮ፡ ሰረን አሰክ ባካት ባርንቱ ወተሰነይ እንዴ ሐልፈዮ፡ የም አሰቡ ዳሽ ወሰለሕ ጸብጠየ። እምበል እሊ ዲብ ባርንቱ ለዐለው አንፋር ሀንደሰት ውበዕዳም ምናድሊን አጅሀዘት እግል ለሀርብ ለዐለ ዳሽ አባይ እግል ልጸብጦ ወመምተላካቱ እግል ለአትርፎ ዝያደት ትጸገመው።

ዲብ ኤራትርየ ለዐለ ካልኣይ አብዮታይ ዳሽ እስት-ዕማር አቶብዮ፡ ዲብ እሊ ናይ ደንጎብ ወክድ፡ ብዘሐሁ ዝያድ 130.000 በጽሕ ዐለ። ዲብ መግርክ ጀብህት ደቀምሐሬ እንዴ ትፈለል እግል ልትፈንጠር ክምሰል አምበተ ህዬ፡ ምን ዳሽ ለሐድ 80 አልፍ እት ገበይ ከረን ወበርክ ሐድ 21 አልፍ ዲብ ክሳድ ዕቀ፡ ሐድ 13 አልፍ ዲብ አሰመረ ወድዋራተ እብ ጀሚዕ ዝያድ 114 አልፍ ዳሽ አባይ ትጸበጠ። ለተርፈው ሐድ 16 አልፍ ህዬ ዲብላ ሐርብ ትቀተለው። ለአሰሪን ህዬ እት ዶሉ ዐፎ እንዴ ገአት እሎም አሰክ ዐዶም ትሳረሐው። እብ ጀህት ሰለሕ እምበል እት ሐርብ ለትደመረ ወሰለሰ አሰክ ሱዳን ለአተዮ ደባባት ወሕዳት መካይን፡ ክሉ ሰለሕ ወመምተላካት ካልኣይ አብዮታይ ዳሽ በህለት፡ 200 ደባባት፡ 50 ናይ 130 ሚሊሜተር መዳፊዕ፡ 171 ናይ 122 ሚሊሜተር መዳፊዕ፡ 44 ቢኤም21፡ 18 ቢኤም24፡ 127 ዙ-23፡ 1038 ሞርታራት ውበዕድ የም አሰቡ ምግባይ ወከፊፍ አሰለሐት ዲብ እዴ ዳሽ ሸዕቢ ተሕሪር ኤራትርየ በርደ። ለእግል መደት 30 ሰነት ለገብአ ሐርብ ተሕሪር ሸዕብ ኤራትርየ ህዬ እብሊ ለለት-ዕጅብ ዐክሰድርያይ ዐውቱ ካቲሙ ገአት እሊ።



ሕርያን ራቴዕ

35^{ይት} ሰነት
ዝክረት ዐመክየት
ፈንቅክ



فَنكِيل
الخيار الصحيح

ፈንቅል

ሕርያን ራቴዕ

FENKIL
The Right Choice

መመቅርሓይት ልጅነት ዓያድ ኣቅሊም ቅብለት በሐር ቀየሕ





ነጅት ዑሰማን

ሕሸመትከ ዐቂብ፡ እግል ኖሱ ለዐበ ሕሸመት ቱ



ኮሎኔል ሙሐሪ አጋይ

ሸባብ ዲብ ኢምር ቃኑን ወሕሸኞቹ ለሰምተ ሩእዮት ወመዓወነት እግል አሰብቶት ወአውረሱት ሕሸሞታትን ዝያድ ከድሞቡ ለህለው፡ ምህም ለገብእ መፍሀምቱ። እሊ ህዩ ሕሸመቱ ለለዐቅብ ሕሸም ሰበት ገብእ፡ ወእብ መጅብ እሊ ምን እንረኤ ህዩ፤ ድወል - ዲብ ኖስ ኖሰን እብ ሕዱድ ሌጠ እንዴ ኢገብእ፡ እብ ስያሰይይ መትብሞራረጉ፡ እብ እቅትጳይይ ደረጀተን እንዴ ኢገብእ፡ አሳሰን ወብዘሕ ልብ ለይእንከሬ እበ ቅድዮት፡ ዳይመት ሰላም ወእምን ወጠን ሌጣ ቱ። ሰበት እሊ እብ ሺመት ለትወቀለት ደረጀት ባጽሐት ኣነ ለትብል ደውሉት፡ እብ ጀራይም ለትሸመመት ዶል ገብእ ለእለ በ ሰልጠት ዲብ በሕ ለትከሬት ትገብእ፡ ወእት ቀበተ ለህሌት ደማንት አምን ወሰላም ክም ኢትትአምን ትገብእ። እብ ኖንቲይ ለህሌት እቱ ወቅት፡ መትሸውሻር፡ ራብሽት፡ ዘበን መትብራይ፡ ዘበን ረሕመት ለአለቡ ቱ ምን ልትብህልመ አትራዛቅ ኢተን። ምን ግሞራነ እንዴ አንበትነ አሰክ ብዕዳት ድወል፡ ሕሸሞታትን እንዴ ትረፈዐ ምን፤ ክም ቅደራት ዐፍሽ መኪነት፡ ገርብ ወላድ አዳም እብ አዝበየት ወዲብ ልትባደላሁ እንርእየን ህሌ። ሃኢላት ምን እርት ፈረዕ ወአዳም ኖስ ዲብ ህለዩ፡ እብ ሕቱ ወሕክ እንዴ ትካፊለየ ዲብ ሕድ ርኡይ ወሰሞ ለኢሊአምር ጀራይም እንዴ ወደዩ፡ እበ ትፈናተ ወሳእል እዕላም ናይ ዐለም ዲብ ክል ፈጅር ለእንሰምዐ ወእንታብዐ ህሌነ ሳብተት አማን ትገብእ እት ህሌት፡ እንዴ ኢልትሰመዕ እብ ድብዱቡ ለንብርመ ሕድ ኢተን። ኩሎም ምስተዕምራት ሕሸሞታት ወለመድ ምጅተመዕ ኤራትርዮ እግል ልትውሔ ወምን ቅርዱ እግል ልትነቀል ለባሰሪዎ አብሳር ሕድ ደዐለ። ሸዕብ ኤራትርዮ ሳኪን ድድ ሕሸሞታቱ ለገይሰ ምን እንሳንዮት በረ ሳቱ

መሞዲት ለወዱ አንዘመት፡ ዲብ ቅብላቶም ልተረድ ዲብ ኢተን ኢሊሕውን ወኢሊሕምቅ። እግል ረይም ሰኖታት ንዳል እብ ሰላሕ ወሰያሰት ሕሎፍ ቱ ሸዕብ። ሕሸመቱ እግል ልርኩብ ወለእክድ ህዩ አላፍ ሕራይም እንዴ ደፍዐ ሕርዮቱ አድመነ ወረክቤ። እሊ ለእብ እስትሸሃድ ርኩብ ሕሸሞታት፡ ዲብ እለን ሰኖታት ዐማር ወጠን ወዐቂብ ስያደት እንዴ ኢረምሸ ወኢብሌ፡ ክም ወሬሕ ዐስር አርባዕ ዝያድ ሞድሕ ለህላ ጋር ቱ። ሸዕብ ኤራትርዮ ሳኪን፡ ሕሸሞታቱ እንዴ ሕጠጠ ወዐቅብ እብ ሕሸመት ወውሕደት ነብር ህሌ፡ እንዴ ትጀመዐ ኬወ ሸቄ፡ እንዴ ትጀመዐ ወራታቱ ናይ ፈረሕ ወክራህ ወዴ፡ እንዴ ትጀመዐ በልዕ ወሰቱ፡ እንዴ ትጀመዐ በኔ ወለዐምር፡ እንዴ ትጀመዐ ታሪክ ለአወርሰ ወውሕደት ለአተርድ። ኩሎ ወቀይ ሸዕብ ኤራትርዮ እንዴ ትጀመዐ እብ ሕቱ ምብላሰ ወሕቱ እዴ ቱ ለአሸቃሉ እብ ሕብር ለአገዴ። እሊ ለበህለት ሕኩመት ወሸዕብ ክል አርት ከኣብ በይኑ እንዴ ኢገብእ ኩሎ ምስል እብ ሕብር ስያሰይይ ወእጅትማዕያይ አሸቃሉ ቱ ለሸቄ። ወእሊ ክል አርት ከክም ምራዱ እበ እለ ንሰ እብ ሰላም ወመስኩብት ልትመታዕ። ምን ሕረሰ እሊቱ ህዩ መትአሳሰ ቃኑን ወሰርዐት እግል አሰሰት፡ ሕኩመት ኤራትርዮ፡ ምን ሕቆ ሕርዮት፡ ቃኑናይ ፖሊስ ኤራትርዮ ክም አሰሰት፡ ዝያድ ወምለዐል ኩሎ እብ ራትዕ አግቡይ ሸቂቡ ወለ ሕሸም ነባሪ ሸዕብ ኤራትርዮ እግል ሕጠጠት ወአሰብቶት ዝያድ ልትክደም እቡ ህሌ። ፖሊስ ምስል ሸዕብ እንዴ ተዓወነ እብ ገበይ ለክሰሶም አፍሪዐት ወአቃሊም እግል ሕሸሞታት ሸዕብ ኤራትርዮ እንዴ ሕጠጠኖህ፡ ዲብ ናይ ዮም አጅያል እብ ራቱዕ አግቡይ ነአትሞርሱ

ክም ህሌ፤ ወሳይቅ ቃኑንያይ ፖሊስ ኤራትርዮ ለለእክድ አማንተ። ዲብ ሕልፈ ርቡዕ ዘበን ለትሰጀለ ጀራይም ሰኔ ብዙሕ ወእግል ሸባብ ለአደርሰ ወአፍካርም ለለአወሰዕ ወምን ጀራይም እግል ልድሐኖ፡ ወእግል ሊሪም ለሰድዮም ምህም ምክር ለራክባም ምኑ ቶም። ክሉ ጀራይም ሰዱ እንዴ ኢሊሕልፍ ወኢሸርዕን፡ ክል ሕቱ ከዲብ ሳዐተ ወወቅተ ምክር ወኅሊሕት እግል ትርኩብ እግል ሸባብ ደረጀቶም ወቅል ወፈሳዕት ትወሰኑም። እሊ ህዩ ፖሊስ ኤራትርዮ ወሸዕብ ወእብ ኖንቲይ ሸባብ ላሊ ወአምዕል ሸቄ እቱ ለህላ ምህም ጋርቱ። ለዐበ ጀራይም ክም ሰርቅ፡ አትባደዮት፡ ቃሽሾት፡ ቃጨፎት አዋልድ አንሳት ወቀቲል አርወሕ ዲብ ብዕዳት ድወል ክም ዓዳተን ወክባሪህን ለኖስአቱ ሕዳት ኢተን። ገሌ ድወልመ መአሰሳተን ወአንፋር ሸቃላህን ህድፍ እሊ ጀራይም ለጋብአት ህለዩ። እሊ ሌጠ ኢተን፡ እግል ገናይዝ ወላድ አዳም ዲብ ሻሬዕ እብ ዕንታቶም ዲብ ልርኡ ለኢትሕሰራመ ገሌ ድወል እግል ለህለየ ክም ልሙድ ጋብእ ህሌ። ገሌመ ሰብ ሰልጠት ዲብ ረአሶም ጀራይም እግል ኢልሕሰል እግል ሰላመት ረሐም ለኛኖም አምን ሞድያም ቶም። እሊ ህዩ እግል ኖሱ ዲብ ግሞራነ ለእንርእዩ

ሰብ መቅደራት መትመራምራት ልትክሐዶ። ሰበቡ፡ ለፖሊሱ፡ እግል ዐዳለት፡ ተጠውር ወመሳሞት መሞሞነን ለትአክድ ከድም ዐለ። ዲብ ዘበን ህይሌ-ሰላሳ፡ መስተዕምራት እቶብዩ እግል ዴሸም፡ 'ለእበ ነፈር ጠልገት ተ ድራራ' ሰበት ትብህለው፡ ክእነ ለልብል ቀራር እንዴ ጸብጠው ሰርካምም ዐለው። እሊ ህዩ እግል ሕሸሞታት ምጅተመዕ ለለዐቅብ ወወክል ክም ኢተን ልትወደሕ እግል፤ ክሉ አትፋርሆት እብ ቀትል ሌጣ ቱ። ፖሊስ ለትብል መዕነት አው ተፍሲር፡ እበ እለ ረአ ወሰምዐ ለፈርድ ወለሕክም እብ ዐዳለት ምጅተመዕ ለመርሕ ቱ። መሳሞት ወቃኑን ለልትሐከም ወለአምን እግል ልግባእ ህሌት እሌ። መስተዕምራት እቶብዩ፡ ምስል ናይ በረ ቅወታም ናይ ዐለም ለልትብህሉ፡ እብ ቅወት ገበል ወሰውራት ኤራትርዮ። ምን ዐድነ ኤራትርዮ ምን ቅርዶም እንዴ ትነቀለው ምን ሰርተው ወኤራትርዮ ምን ተሐረረት፡ ክልኤ ዛጆታት አፍገረው፡ ህተን ህዩ፡ ሕርዮቱ ወመስኡልየት ለራክብ ሸዕብ ልብሌ፡ ኩላን ምን ሕድ ለኢረይመ ምስል ለገይሰ ከሊማት ተን። እሊ በህለት እተ እለ ገሰነ ምን እንገይሰ እብ ሕሸመት አሸቃሉ ለሸቄ፡ እበ ገብእ ልግባእ

ለእበ ልትመራሕ ሕላት ወአፍካር፡ ገበይ ዐድል ገብእ እት ህሌ፡ ዲብ አንፋር፡ ቆምየት፡ ቀብሊት፡ ተጃረት፡ ሕገሌብ፡ ሰልጠት፡ ፈናታይ ለአሰባም ጀራይም እግል ኢልሳድፍ አንተብሆት ለአትሐክኤ። እሊ ለኖይ ሕቆ ሕርዮት ፖሊስ እብ ቀደም ትሌ። ለልትረተብ ገብእ እትህሌ፡ የምክን ራብዓይ ወጂል ፖሊስ እግል ልግባእ ቀድሮ። ለሕልፈው ሰልእስ አው ለአርባዕ ወጂላት ፖሊሱ፡ አብሳርም ወመቅደራቶም ምን ኖስ ኖሶም ለልትፈናተውመ ምን ገብእ፡ አሰክ ኤራትርዮ ለአመማ በዐል ሕላት እግል ደመርት ወአሰረቶት ሰብ ወሕደት ወዐቂብ ስያደት ክም ቶም ለታሪክ ዋዴሕ እግል፤ ህሌ። ዲብ ሸዕብ ለበዮ ወለ አውራሰየ እምንት እግል ኖስ ዐባይ ወምህመት ተ ወአመንት አሳሰ ጋብአት ህሌት። ሸዕብ ምን አምር ልግባእ ወቅዮት፡ እግል ፖሊስ ለክሰሰ ወለኢክሰስ ክሉ ጀራይም ዶል ሳድፍ፡ ፖሊስ እግል ለአርኤ ወለአሰምዕ እግል ኖስ ለዐቤት ሸሃደት ናይ ፈሳዕት ቱ። ሰበቡ ለገእ ነፈር፡ ዶል ልትሐገዝ ዲብ እሌ ለአምን ደብር ወለ ተአድሕት አካን ለሀርብ፡ እሊ ህዩ እግል ለአድሕን ወልድሕን ሌጣቱ። ከዲብ እሊ እንዴ ረከዝናቱ ፖሊስ ኤራትርዮ ሕላት



ሰኢ ርብል መሪሰዕ

እጅተመዕ ተቅደም ፖሊስ ኤራትርዮ

ወእንሰምዑ አሰባት ቱ። ምን ቅሩብ እግል መትአካድ ዲብ ግሞራነ ለህለየ ድወል ለገይሰ ነፈር ዶል ንትሰአል፡ እግል ኖሱ ለዐበ አሰባት ቱ። ማርካይ ጀርመን ለዐለ ሂትለር፡ ምን ቀደመ ለዐለው ማርካይ፡ ምን እግል ቃኑን ጀርመን ዲብ ትወቀለት ደረጀት ለአብጸሐ ማርካይ እንዴ ትብህላ ልትህደግ። እሊ በህለት ሂትለር እግል አከይ ወዳዩ እንዴ ትቃወመው ዐድል ለለአመጽኦ እትጃሃት እግል ደመርት፡ እብ በሰር ምህሮት ሰድት እንዴ መህዜ ቅወት ለመልክ ቃኑን ፖሊስ ለአሰባት እመር ነፈር ቱ እበ ትብል መከሰሰ እግል ልግባእ ክም ኢቀድር ብዝሓም ናይ

ሕቁቁ ለኢልተምተም ሕሽም እብ ጅንሰየቱ ወጠንዮቱ ዲብ ወጠኑ እምበል ሸክ ረአሱ እንዴ ረፍዐ ለንብር ወእብ መስኡልየት ክሉ ወራታቱ፡ ወመሳልሑ ዲብ ራቱዕ ሕሸሞታት ወቀሞን፤ ለሕልፈ እስትሸሃድ ቀዳምያም ወሀደፎም ዲብ እግል ንረከዝ ታሪክነ መረሐክ። ቃኑን ፖሊስ ኤራትርዮ ህዩ፡ እብ መሪር ንዳል ወቃሊ እስትሸሃድ እግል ዐድል ምጅተመዕ ለትዝማቱ። ሸዕብ ወእብ ኖንቲይ ሸባብ፡ እብ ቀሞን ወአብሳሩ ቅድራት እንዴ ረክቤ ለፖሊስ አርፈዐየተ ምህንት እብ ፍዕል እግል ለአርኤ ለትፈረረ ወአማንት ለረፍዳቱ። ሰበት እሊ

አፍካር ደውለት አው ወጠንቱ ለእንቤ እቡ። ከሸባብ ለህሌት እሌም ሰልጠት ምን ዲብ ቃኑን ፖሊስ ለሸቄ ዝያድ ክም ከሰሶም ወልትሐሰርብ እግል ነአምር ህሌት እግል፤ ሰበቡ ወጠን ምን ለትፈናተ ኢቃኑንያይ አከይ መሞዲት ወጀራይም ኖግየት ሕቆ ገብአት ቱ። ለሞቂ ወፋዝዕ መሞሞን ለተአፈሬ ወትብኔ። ቃኑን ፖሊስ ህዩ፡ ቃኑን ደሐን ምጅተመዕ ሰበት ቱ። ኩሎ መሞሞን ወእብ ኖንቲይ ሸባብ ምስል አንፋር ፖሊስ እንዴ ተዓወነው እግል አመርደየት ደሐን ምጅተመዕን እግል ልትሸቄ ወቃኑን ሚቱ አመርት ምህም ቱ። ዴማት፡ መጀለት ፖሊስ

ልዩ ልዩ የሕይወት ጉዞዎን ለማግኘት ሆኖት ሆኖ መቻላት

አሰባብ ሆኖት እብ ከአፎ ተሐፍዞ ወተሀውት

ለአማን ርኩብ፣ ክመ ዕሚድ ሆኖ ለወደባ ውዳ፣ ለአማን እብ ገበይ እምርት እንዴ ኢረከብከ መሻክልክ እግል ትሕለል አበደን ኢትጀርብ።

ሰአል፣ እለ ሆኖት ሚቱ ሰበበ? በሊሰ፣ ፈጅር አሰቡሕ እት ሰጅን ቤት አልጅሰር እግል ኢልልከፍኒ ሰበት ፈረሀኮ ቱ።

ሰአል፣ ከምን እለ ሆኖት እግል እትነጅ ሚ እግል እውዳ እቀድር?

ሐቆ እለ ዲብ እፈክር መደት ረያም ጸንሐኮ፣ ወእለ ተፍኪርቤ እት አርበዕ እግል እረትቡ ወእክተቡ ለወጅበኒ ከያራት ኦብሐኔ፣ ከአርበዒተን ምስል ክሉ እሕትማላተን ከተብክወን።

1. ለመሰላለት እግል አድሚራል፣ እግል አፍሀሙተ እቀድር፣ ምናተ ሁቱ ሀግዩ እንግሊዝ ኢለአምር። ትርጉማን እግል አምጽእ ጀረብኮ ምንገብኢ፣ ምን ሐዲስ እግል ልቅደብ ቱ፣ ወእምበል ሸክ ዕምርቤ እግል ለሐጭር ቱ። ሁቱ ረሕመት ትትበሀል በታተን አለቡ፣ አውመ በደል ምስልቤ እብ ክሰሱ ለመሰላለት ለሀድግ እት “ቤት አልጅሰር” እግል ልልከፈኒ ቀድር።

2. ምን እለ መዲነት እግል ሀረብ እጅርብ፣ እለ ሀቤ ሙሰተሐለት ቱ። ዲመ ራቅቡኒ ሀለው፣ እት እነብር እት ሀሌት “ጀምሮት ሹባን መሲሕዩን” ለሐቱ እት ወለ እፈግር እት ሳዐት ሰጃላመ ሀለው ማሚ? ሀረብ እንዴ ጀረብኮ ክዶል እትጸበፍ፣ እብ ረሳሰት እግል ልቅተሉኒ ቱ።

3. እትላ ቤቼ እትገሌ ወአሰክለ ሸሪካት በታተን ተወዝ ይኢበል፣ እለ ወዴኮ ምን ገብኢ ሀቤ፣ ለአድሚራል ሸክ እግል ልውዳ እቼቱ፣ ከዐሳክሩ እንዴ ነድአ እቼ፣ ለአሰራኒ ወሐቱ ክልመት እንዴ ኢለአበልሱኒ እት “ቤት አልጅሰር” ለክፍኒ።

4. ሐቱመ ጃርየት ክም ይሀሌት፣ ክመ እት ዓደቼ አትኒን አሰቡሕ እት መክተብ ለሸርከት እትፈረር። ክምሰሌሀ ወዴኮ ምን ገብኢ፣ የምክን ለአድሚራል መሸቁል ጸንሐኮ ወለ ውዳቼመ ኢፈቅደ ገብኢ፣ ወፈቅደያመ ምን ገብኢ ምን አመረ ለሐሩቀቱ ባርደት ትጸንሐ ከእበ መሰላለት ኢፍቅሸኒ። ወፍቅሸኒ ምን ገብኢ ለመሰላለት እግል አፍሀሙተ ፍርሰት እረክብ።


እለ ምን ገብኢ፣ ሐቱ ጃርየት ክም ይሀሌት፣ አትኒን አሰቡሕ መክተብ ለሸርከት እቱ ጊሰኮ ምን ገብኢ፣ ክልኤ ፍርሰት መንገደ ብዬ።

ዶል ለመሰላለት እብ ክል ሸክተ እንዴ አዳውረ ዐልኮ ከከለሰ፣ ለራብዓይት ምስዳር እግል እነፍዝ ቀረርኮተ፣ እብ ራሐት ታመት ሸርከት ወለሀሆኖት እት ዶል ሐድገተኒ።

“አምዕል አትኒን፣ አሰቡሕ መክተብ እት አቱት እቱ ወቅት፣

ለአድሚራል ግሉይ እት እንቱ ወሰጃራቱ እት ፈርቅ ጸንሐኒ። ክመ እት ዓደቱ ዕንታቱ ምን አምሩዱ እንዴ አፍገረ አተቃበሌኒ። ምናተ እት ወቅት ለሀይ ሐቱመ ኢተግገ ምስልቤ፣ ላመ ምርሐር እለ ለዐለየ አምዳላት እት ክምሰሌሀ። ሐቆ ሰበ ሳምን ለአድሚራል አሰክ ቶክዮ ትላከወ። ወእብለ ለክርባቼ አክተመት፣ ወላመ ምሽክለቼ ሐል ረክበት።

“ለግሳዮቼ ለሀ ምን ሞት እክድት አድሐከተኒ። እለ ለአምዕል ሰንበት ዐባይ ሐቆ አድሀር እግል እፈክር ለትገሌክወ መደት፣ ወለ አርበዕ ለትፈናተየ ክመፍ እግል እንሰአን ለእቀድር፣ ወመታክል ክል-ምንን ለክተብኮ እት ግሳዮት፣ እለ ዋዲ ምን ይእገብኢ፣ ለእለ እውዳ ወእለ ሐድግ ወበደየ ምንዬ። ወእተ ዱረ ለትመጽእ እቤ መድሩሰት ለኢገብአት



ምስዳር ወነሰአኮ። ለምሽክለቼ እንዴ ሐሰብኮ እበ ቀራር ሐሰም ናሰኢ ምን ይእገብኢ፣ ለአምዕል ከላ እት ሆኖት ወትሸመምኮ ወላሊመ ሰኮብ ወአቤኒ። ወአምዕል አትኒን እት መክተብ ገጩ አሻይር ሆኖት ወፈርሀት እት ብእቱ ወጊሰክዎ ዐልኮ። ወእለ ሐለት እለ እግል አድሚራል ዝያድ ክም ልትሸከክ እቼ ወወዳቱ።

ተጃርብዬ መረት አሰር መረት ክመ አከደዩ እቤ፣ ንሰአት ቀራር ሐሰም ፋእደት ዐባይ ቡ። ወምን ንሰአት ቀራር ሐር ሐረግረጎት ወእምበል ሀደፍ እት ድዋር ለመሰላለት መትደዋር፣ እግል ነፈር አሰክ እንሀያር ዓሳብ ለአሸክቱ። ምን ተጅራቦቼ ክመ ረከብከወ፣ ሐድ 50% ምን ሆኖቼ፣ እት ወቅት ለቀራር ለሐሰም ወባርሀ እረክብ እቱ ትብዴ፣ ወሐድ 40% ምን ሀቤ፣ እት እለ ቀራር ለእነፍዝ እቱ ወቅት እቱ ትብዴ። ወእብለ ገበይ እለ አነ 90% ምን ሆኖቼ እብለን አርበዕ ምስዳር ሀው።

1. ሀመት ለከረ ዲብዬ አሰባብ እብ ዋድሕ እከትብ።

2. እት አብደዮትላ ሆኖት እግል ልሰደዱኒ ለእነሰአን ምስዳራት እከትብን።

3. ቀራር ሐሰም እነሰኢ።

4. ለእሉ ነሰአት ቀራር እት ዐመል እግል እተርጅሙ አነብት። ሚሰተር ጃሌሀ ሊትሸፎርድ አዜ ሙዲር ፈርዕ ረዩም ምፍጋር ጸሓይ እግል ሸርከት “ሰታር፣ ወባርክ፣ ወፍራማን ናይ ኒውዮርክ ሀለ”። እለ ጠሪቀቱ ከአፎ ትመሰለከ፣ ለጠሪቀቱ ሰኒ ፈግልየት ሙራደት ቱ፣ ወእግለ ሙሽክለት ምን አሳሳ ተሐልለ። ወምን እለ ወኪን ሀቤ፣ እብ ቃዕደት ዕልብ (1) ተአከትም፣ ከምትከራ ምን ዲብ ዳፍየት ሆኖት ምን ንትነፈዕ እቤ።

ሆኖት እግል ተአብዴ ገሌ ባሰር። ገሌ ሐቆ ኢትባሰር፣ አማን እግል ትርከብ ጀረቦትክ አብደዮት ወቅት እንዴ ገብኢ ሌጠ ተርፍ።

ዊልያም ጃምስ ክም እለ ልብል- “ቀራር እንዴ ነሰአት እት ዐመል እግል ተአውዕሉ ሐቆ ትበገሰከ፣ ፍክርክ ከሉ እት አምጸአት ፍገራት ሌጠ ልግበኢ፣ እግል ብዕድ ሐጃት ልብ ኢተሀብ”። ውልያም ጃምስ እግል ሊበለ ለሐዜ ለሀለ፣ ዶል ለቀራር ትነሰኢተ፣ ኢትትዐነድ። ኢተሐረግርግ ወገጽከ ሐር ሐቱመ ምስዳር ኢተአቅብል። ርሕክ ሸክ ኢተአተውድዮ። ሐር ኢተአቅምት። እምበል ፈርሀት፣ ገጽክ ቀደም፣ እት ነፈዘት ለቀራርክ ሌጠ አሰርር።

“ዋይት ፍልብስ” ምርት ምን እሙራም ሴንዐት ብትሮል ናይ አክላሆማ ቱ” ክም እለ እት እብል ትሰአልክወ። ቀራር-ትክ እብ ከአፎ ትነፍደም ዐልከ፣ ከእት በልሰ፣ “እምበል ሐድ እት ሐቱ መሰላለት ፈክርት፣ ሆኖት ክልቅ ወጨቅዎ እት ወልድ ረከብኩዎ፣ እት ሕሳባት አተላሌን ምን ገብኢ፣ እግል ንትራዩሙ ለወጅበኒ ደረር ነአመጽእ። ከእተ ቀራር ለትነሰኢ እቱ ወቅት ሐር እንዴ ኢተአቅምት እት ዐመል አውዕሉ።”

ክብብ

ሐራማ በዐክ ነፍ

ዲብ ምርት ድን ምርት ታጅር ነበር ዐለ። ወድ ምግባይ ዕምር ላቱ እናሰ ቱ። ብዙሕ ታጅር ወጽጉብ ነብረ ምናታ፣ ዐባቢ (ኢ.ሃ.ዲ) ዐለ። እግል ልሀዴ ላተ ሸንሀት ምንመ ዐለት እለ። እግል ትትሀደዩ ለተሐዜ ወለት አንሳይት ላተ ይዐለት።

ለትትሀደዩ እሰት እት ለሐዜ ወቅት ረዩም ሐቆመ ትጸበረ። ሐቱ ወለት ንኢሸ ሀደ። ወእለ ሀዳይ እለ እግል ልትዐውት እግል ሐግል አቡሀ የም አለቡ ማል ሀቤ። ምናተ እለ ወለቲት ንኢሸ እግል እለ በዐል ምግባይ ዕምር ላቱ ታጅር ክም ተሀዳቱ አቤቱ። እግል እናሰ ትራዩሙቱ ወክሉ ረእሱ እግል ኢልተምትመ ወእግል ኢልቅረብ እት ገበይ ከልአቱ። እለ ታጅር እብ ሰብ እለ አደብ ናይ እሰቱ ለውቀት ባዴት ምን ወሰኒ ሹቁል እት እንቱ ነብር ነብረ።

ላሊ ሐቱ፣ እለ ታጅር እናሰ እት ዐራቱ እብ በደኑ እንደ አክረረ ሳክብ እት እንቱ፣ አመተ አለቡ ለእሰቱ ሻፍገት እት እንተ እት ትሰዴ እንዴ መጸት እት ሕቅፋ ሸብ ትቤ እለ። ህተ ምን ክትር ፈርሀት ለገርብ ለአርዐዴ ዐለ። ለእናሰ ሰኒ ትፈከረ። ወእግሉ እሰቱ እት ሕቅፋ እንዴ ጸብጠየ ምን አቅመተ፣ ምርት ሐራማ እት አፈትሉ ሹቆም እት ተክል ረአ። እት ዶል ለሀ ለታጅር ለጋር አክል ሐድ ፈሀመዩ። ወእግሉ ሐራማ ክምእነ ቤለዩ፣ “መልሀይ፣ እለ እሰት መንደላይት እለ ትርኢ ህሌክ እሰቼ ቱ። ወህተ ሐራም እታተ አሰክ እለ የም እቅርብትዬመ ኢተን። ምናተ የም ላተ እብ ፈድልክ እላተ እት ሕቅፍዬ ልውሸት ሀሌት። ወእብሉ ምስምሰ አነ ሰኒ ሙቡሉ ምንክ ህሌት፣ ወለእለ ተሐዜ ወትትሸኸህ ክል እግል ህበክ ምስተዕድ አኑ። ከየለ ቀደም በል እቱ ወለእለ ተሐዜ ክም ሸንሀትኪ እንዴ ሐሬክ ወከሬክ ንሰኢ። አብሸርክ ሐቱመ ኢትምሐክ ምን ዲብ እለ ቤት ለሀለ ዐፍሸት ክም ምራድክ ሀርሰ” ቤለዩ።

ለሐራማ ሀቤ ክምእነ በልሰ፣ “መንበ፣ ዲብ እለ ቤት ሸንሀትዬ ለትትዓደል ሰንዐት አው ዐፍሸ እርኤ ይህሌት። ምናተ ምን እለ ወሐር፣ እለ እሰት ቅርብ ከልአተክ አውመ እት ሕቅፈ እግል ኢትንሰአክ ሐቆ አቤት እግልከ፣ ደሐን ለዶል ለሀ ምን ሐዲስ እንዴ አቅበልኮ እግል እርኢዮቱ። አዜ ሀቤ ደሐን መዩው ወረቢ ላሊ በኪተት ሊደየ እግልኩም” ቤለዩም ወበርገግ ቤል ምናም።

ለሐራማ እብላሁ ምን ቤትላ ታጅር እናሰ ሐበት ምን ዐፍሸ ልግበኢ ወማል እንዴ ኢለሀርሰ ትም እት ልብል ጌሰ። ወምን ምዕል ለሀ ወሐር፣ እለ እሰትላ ታጅር እግል እናሰ ተማም ሰኔት እቱ ወምን አከደለ መዋዲተ እት ሰዋብ አቅበለት።


ከሐት- ሐቱ ዶል፣ ላመ እሉ ተአቤ ነፈር መሕገዝ ጀብረክ እቱ።



ተበሰም

ምርት ፖሊስ ሐረከት፣ ሐቱ መኪነት ምን ቅያሰ ወለዐል እት ትሰዴ ዶል ረአ እግል ለአብዋረ ጀረበ። ሰዋግላ ዐረብየት ጀነ ሻብ ዐለ። ወዶል ለእግል ፖሊስ ረአተ ለዐረብየት ምን ዶል እት ዶል ሸፋግ እንዴ ወሰከየ ቅያሰ ምእት ከሎምትር እት ሳዐት እት ልትሀርብብ ተረግ እብ ሰዐይ ቤለ። ወእት ደንገበ ለፖሊስ ተርፍ ምን ሰበት ኢመሰለ እቱ ወእንዴ ሀርብ ክም ኢፈግር ሰበት አከደ እብ ናሱ በዋረ።

ለፖሊስ ሀቤ እት መኪነት እንዴ ቀርብ ክምእነ ቤለዩ፣ “ነገር ከምላት አብዳኮ፣ ወዐደድ ከፈኒ ሰዲ ህሌት፣ አዜ እለ ውዲትክ ምስምሰ መቅቡለት ሀብከኒ እለ ምን ገብኢ እግል ቲጊሰ ገበይ እግል እጠልቅ እግልክ ቱ” ቤለዩ።





ዐመልየት ፈንቅል ነት 35 ሐክ

እሊ አሌሌት እሊ ዝክረት 35 ሰነት ዐመልየት ፈንቅል ወተሕራር ሚኒት ባጽዕቱ። ከሰፍሐት ፈን ወግዳት የም እብ ክሰብ እሊ ቃልየት አምዕል እግል ትናወልቱ።

ዐመልየት ፈንቅል ሐቲ ምን ዲብ መደት ንዳል ለገብእ ዐባዩ ወመትዳላይ ብዙሕ ወሕፍዝ ለገብእ እቲ ዐመልየት ሰውረት ኤራትርያ ተ። ለዐመልየት ሐድ 1,560 ኪሎሜተር መረብስ ለትገልብብ አርደት ዲብ ጋብአት ተ። ዲብ እሊ ጀብሀት እሊ፡ አባይ ሐድ 3,000 ለገብእ ዐሳክር ቅወት በሐር ለዐለው ዲብ፡ 25,000 ጃሽ እትብገስ ዐለ።

ቅወት በር አባይ፡ 150 ለተፈናተ ደባብ፡ ሐድ 70 መዳፊዕ፡ ዝያድ 100 ረሻሽ፡ ብዙሕ ድድ ደባብ ሚሳይላት ለትዐንደቀ ዲብ ዐለ እግል። ለቅወት በሐር ህዩ፡ ምን 7 ሰኳድሮን ለቀመት፡ 30 ዐባዩ ወነኣይሽ መራክብ ሐርብ ዕንድቅት ዐለት።

እምበል እሊ፡ ክም እዳ ዛይደት እግል ልትሸረሕ ለቀድር ጃሽ አባይ፡ እብ እስምንቲ ወሐዲድ ባቡር ለትሸቀ አስክ



ደባባት ወመዳፊዕ እግል ልስተር ለቀድር ሰዋትር ዐለ እሊ። ዲብ ዐመልየት ፈንቅል እብ ጀህት ዲብ ሸቢ ለሻረከት መቅደረት አዳም ወአስልሐት፡ ዲብ ሸቢ ዐደዱ 13,500 እት ለዐሌ፡ እሊ ምን ከፊፍል ዲብ 74፡ 85 ወ96 ለትፋገረ ሴዕ ብርጌድ አ'ገር ወሰሰሰ ብርጌድ መከናደዝድ ዐለው።

ሚከናደዝድ በራጊድ፡ ዲብ ሸቢ 45 ደባባት፡ 100 ሚሚ መዳፍዕ፡ 31 ድቁብ መዳፍዕ ናይ 85 ሚሚ፡ 120 ሚሚ ወ130 ሚሚ፡ 4 ሰዋሪክ ቢኤም 21፡ 20 ረሻሻት ድድ አጋር ወጣኢራት ዕንዳቸ ዐለ።

እሊ እብ ዲብ ምድር ለገብእ መትዳላይ እት ገብእ፡ 10 ሻፍጋት ጅላብ ለትዐንደቀ ዲብ ቅወት በሐርየት ህዩ፡ እብ ጀህት በሐር ዱሉይ ዐለ። ዐመልየት ፈንቅል ለፍንቲቲ፡ እግል ሰልፍ ኢነት ዲብ ሸቢ፡ እብ ምድር ወበሐር ለነዝመዩ ሻፍገት ወእግል አባይ መዳሊት፡ ሐሲብ ወሰዳይት እግል ሊዳ በክት ለትከልእ ዐመልየት ምን ዐለት ተ።

ዐመልየት ፈንቅል ዲብ ቀበት ሰማን አምዕል ለገአት ዐመልየት ተ። ተጠውራትላ አምዳላት እብ አምዕል አምዕሉ ወልትሰጀል ለዐለ ዐውቲታት ምን እንርኢ።

ዲብ ሸቢ እት የም 08 ፊብርወሪ ሰነት 1990 ምን ድቀራት መሓዝ ቅንጻል እንዴ ትብገስ እብ ምግብ ሸቢ ወዕንክለት ከንቲባይ እንዴ በክኢ፡ ዲብ ዐድ-ዕሌ ለዐለ ናይ ቅያደት ሳድስ ክፈል-ጦር ዲብ-አባይ እንዴ ጸብጡ፡ እብ ታምም ደውሸሸዩ። እት ነፍሰ ለአምዕል እብ ብዕድ መርቢይ ለትብገስ ዲብ ሸቢ ዲብ ጋሕተላይ ዐመልየት እንዴ ወደ፡ ከዋ አስመረ ባጽዕ በትክ። ወለሳልሰ መርቢይ እብ ጀህት ለዋው በሐር ህዩ፡ እግል ጎርጎሳም ወመሰነዕ እስመንቲ፡ ጸብጠት። እብ እንክር ቅብለት ህዩ፡ አስክ ቀበት ሚኒት ባጽዕ አቲት።

- እት የም 9 ፊብርዋሪ ዲብ ሸቢ ደንጎሎ ተሓት፡ ድግድግተ ወደገሊ ጸብጠ።

- የም 10 ቅወት ዲብ-ሸቢ ሳዕት 7 አሰቦሕ ፎርቶ ጸብጠት። ሐቆ ፎርቶ፡ ባካት እም-ክሉ፡ ሕዋምሎ፡ አማተሬ ወዐዳገ እንዴ ራቀብት፡ መንገአት ስጋለት ቀጣን አቲት። ሳዕት 8 ምሴ ህዩ ግራር

ጸብጠት።

- የም 11 መዐስከር ናባል በይዝ እብ ካምል እት ሐን መራቀብት ዲብ ሸቢ አተ።

- ምን የም 12-14 ዲብ ጀብሀት ግንደዕ ድቁብ ሐርብ ዐለ። ወዲብ ቀበት ባጽዕ ህዩ ዲብ ሸቢ እግል ዲብ መዳነት 2000 ሸቢ ክም ሕጌ ዝሆ እንዴ ጸብጠ ልትሓረብ ለዐለ አስክ 1000 ለገብእ ዲብ አባይ እብ ሰላም እዳህ እግል ለሀብ ልኡክ ነድኦ እቲ።

- የም 15 ፊብራሪ አንፋር ቅወት በሐር ጸልመት እንዴ አትሐገው፡ ዲብ ገራር ናሻል-በይዝ፡ እብ ገያድ ጅላብ 11 ደርቦት እንዴ አትቀባበለው፡ ሕዳም ምናድሊን አስክ ረኣሰ ምድር ተዐደው። ለተዐዳት ሕድት ቅወት ጃሽ ሸቢ፡ አባይ እብ ኢታክዩ እትጀህ ምን ግረ ዘብዋ ክምሰል ፈትሐት ዲብ፡ ጃሽ አባይ ፈንፍር ገብእ። እሊ ዲብ ገብእ፡ ለእብ ስጋለት-ቀጣን እግል ልትዐደው ለጀረበው ደባባት ወአ'ገር ጃሽ፡ እብ ድቁብ ለክፍ ስልሕ እንዴ ትሰደው፡ መሰነዕ በረድ

እንዴ በጽሐው ከዋዋለት አተው።

- የም 16-02-1990 ሳሊ እብ ግዲደ ወፈጅራተ ጽብሕ ምድር ናይ መዳነት ሸፍ ሐቆለ ወደው ህዩ፡ ጃሽ ሸቢ፡ ለእግል ሸቢ መሳልም ዘሆ እንዴ ጸብጠው ዲብ ዋዋለት ወክርሰ ባጽዕ ዕስኩራም ለዐለው ዐሳክር አባይ ቀትላ ወጸብጠ ወእግል ባጽዕ እብ ከማለ ሐረረዩ። መዳነት ባጽዕ እብ ተማማ ተሐረረት።

ዲብ ዐመልየት ፈንቅል ምን የም 8-16/02/1990 ዲብ አባይ ለጀረ ከሳር


- ዲብ ዐመልየት ፈንቅል ለሞተ ወለትጀረሐ ዲብ አባይ 18,000 ተ። እሊ ዲብ አዳም ለጀራት ከሳር እት ገብእ፡ ዲብ ክሉ ምድር ሰምሀር ለዐለ ሰለሕ አባይ ህዩ እምበል ሐድ ለትደመረ ምን ድኢኮን፡ ለበዝሐ እት እዳ ዲብ ሸቢ አተ። ለትሰለሰ አሰልሐት፡ 130 ለትፈናተ ደባባት፡ 8 ሰዋሪክ ቢኤም 21፡ ዝያድ 70 ድቁብ መዳፍዕ 122፡ 85 ወ76 ሚሚ፡ ዝያድ 100 ረሻሽ ናይ 23 ወ37 ሚሚ፡ ወለትፈናተ አሰልሐት ከፊፍ ወቀናብል ትሰለሰ። ወለተርፈ ዲብ ወመሰኡሉኩ ህዩ ሰእየት እንዴ በትክ ሰለሙ።

ቅብጸት (ብቲክ ሰእየት)

- ሐቆለ ጀብሀት ሸብዮት እብ ምድር ወበሐር ለሰኣቲ ህጃም ሻፍግ ናይ ዐመልየት ፈንቅል፡ እግል ባጽዕ እንዴ ጸብጠተ፡ ሸቢ እግል ተአትሐድር ወክደማት እጅትማዕየት ክም በዲሩ እግል ትብለሱ ጅህድ ትወዴ ዐለት። እብ ድዱ ቅዋት በሐር ወጀው አቶብዮ ምን አምዕል ለሓረት ናይ ዐመልየት ፈንቅል እንዴ አንበተ፡ እት ዘቢዋ ሸቢ መሳልም፡ ሐምረጎት እቅትሳድ ወመንበረት መዋዋሊን፡ ነብረ ራድኢት እት ሸቢ እግል ኢትብጸሕ ከፊዕ፡ ክምሰልሁመ እት ዘርእ ፈርሀት ወርዕብ ክሱእ ዐለ። ክም መትፈዳይ ተረት ናይላ ጀራት እቲ ከሳር መራር ሰበት ሐሰቦዩ ህዩ፡ እብ ኩላ ሐሊቱ ሸቀ ዲብ።

- እብሊ ገዳም ደርግ ምን ድንጋጽ ለትብገሱ፡ “ለልትሐረክ ፍጡር፡ ልክፍ ዲብ” ለልብል አዋምር ዲብ አንፋር ቅወት ጀወ ሀበ። ዲብ የም 22 አፕሪል ለአምበተ፡ ዲብ ታእሪክ ጀራይም አባይ አቶብዮ ለዐበ ላቲ ዲብ አብርዶእ ሸቢ ለአመመ ለክፍ ጠያራት ሐርብ፡ እግል ባጽዕ 7 መረት እብ ቀናብል ናፓልም ወፎሰፎረስ ረጅመዩ።

- እብሊ ለክፍ መብዝሐም አጀኒት ወአንሰ ላቶም 124 ምን ሰነን ባጽዕ እብ ለትአሸዕልል ገበይ፡ አክይ-ሞት መይቶ እት ሀለው፡ 332 ህዩ አረይ ጅረሕ ወምስክነ ገብአው። እብሊ ዘብዋ ብንየት



ትሕትየተ ሚኒት ባጽዕ እብ ትሩድ ዲብ ጨበል ርምዖ ትብደለ። እሊን ትደመዕ እት ህሌት፡ እብ አምአት ለልትዐለብ መባኒ ወመ-አሰሳት ህዩ ምሰል ዐፍሹ ወታምም ጸብጠ- ትብል ሰሜት ልትአመረ።

ዕላል ወዳት ፈንቅል


ዕላል ወዳት ፈንቅል፡ ከበሸረቱ ለሞዳይ ምን ረኣሰ ከፊት ከሰሰዕት፡ ክም ዴሪዩ ለህዳይ ትርን ቤለ እብ ሕበር፡ ለጣሻት ነኢሽ ወዐባይ ወክርን ወዳት ንጋረት፡ ምንል ውቁል ለሻባይ እት በርጅ መጸው ወረዳ፡ እት ትትጸበርም እብ አፍካይ ሐናደው እተ ሐረተ፡ እብ ሰይፍ ለሶታይ ፈርሐ እግሎም ፈትዮም፡ ወትረመጨ ለአባይ።

አቤ! ለሓዩት ወረዳ፡ ተሀራደበው እብ ዝያድ እግል ልንዘዕው ለመርግት፡ ቀሰብ ኢኮን እብ ምራድ ረቢ እንዴ ሰደዮም፡ ሞላይ ለጠፍ አልዕባድ በርቀው ዲብ እግል ባጽዕ፡ እብ አሰይፎም ወጅራድ ወሌመው ዲብ ቀበት ማይ፡ እብ ነኢይሽ ለጅላብ በዋቢር ዐባዩ ጸብጠው፡ ከዴርው እብ ለሰላብ ደርጊ ቅንጽ መጸቶ፡ ለኢለአትጋሚ እንግላብ ነብረ ሐድገ እብ ጽብሐ፡ ወሐሊብ ዱሉይ እት ሕላብ ገሌ ብጣሩ ትጸበጠ፡ ወገሌ ፈግረ ምን አግባብ።

ደርጊ እብ አርወሐት-አፍግር፡ ተሐራረብ ምጋሩ ምናተ ሕልቅሙ ትጸበጠት፡ ከተረው ቤለ ለአሰራሩ ዓለም ክለ እብ ተማመ፡ አተንሴቲ ለገዳሩ በዴኮ ቤለ ወቀዩት፡ እንዴ ገብእ ብጣሩ ወአውኪር ቀደም ለአሳድር፡ እግል ለአትዐሩ ለሓሩ ለዴሽ ሳብት ኤማን፡ ለአምዕል አበ አፍጋሩ ምንሕድ ግለይ ወደዩ፡ ቅዋት በሐር ወአጋሩ።

ደገድግቲ ወደዎም፡ ፍራስ ለሐር ኢልብሎ እት ከረን እንዴ ፈርሀምም፡ ዲብ ጋሕቲላይ ገንድሎ ኢልብላ ተዐብነ፡ ገበይ ረዶም እት ሳፎር ሳሳት ምንዲ ልትዐደው፡ ወጋድሞታት ምን ሳፍሮ ሚክም ወዱ ኢቀወው፡ ለአግቡይ አምሮ ወባሰር እብ ከሪግት ልትመርሖ፡ እብዩ አቲ ወፈግር ለህጃም እግል ልትሻፈግ፡ ሳሊ ወአምዕል ለሐባብር ድቁብ አጽዋር ወአጋር፡ መጦር አሕድ እት ወግር ገበዮምተ ዲብ ደርጊ፡ ክምለህይ እግል ልትዘርዘር።

ቅዋት በሐር ወምድር፡ እሎም ክልኦት መነቲት ለአባይ ዐጭሙ ወሰግሁ፡ ምን ሕድ ወደው ፈነቲት ገናይዙ አትሐደገው፡ ለኩፍ ክምለ ገነዲት ፈንቅል ፈንቀለቲ፡ መረ ዲብ ለአፈቲት እት ሐዋዊን አትቃበለ፡ ክም በትክ ለመሰኢት እብ ለክፍለ ዋያራት፡ እግል ልፍገረ ለትግቢት ሐሩቀቲ አትባረድ፡ ዲብ ረኣሰ አንሰ ወአጀኒት ጅግሉብ ዋድቅ ምራቁ፡ በዲር በዐል ሐዋኒት ለህይ መኣዜ ሰልፋቲ፡ በዲር በዐል ሐዋኒት። ሳልሕ ሙሰ (ውድ ሐቢብ)



መጠን ደረጃ ግብረት ማሳደግ ለግብረት ማሳደግ ተጠቃሚ



እብ መናሰበት 35ይት ሰነት ዝከረት ዐመልየት ፈንቅል ገብእ ለዐለ ወጠንያይ ጅግረ ዐጀላት ኤራ ጁንዮር ሰነት 2025፡ ለሐልፊት ሰነት ዐባይ 2 ፊብርዋሪ እብ ናይ ቀበት መዲነት ጅግረ ተመ።

እሊ ዲብ መዲነት ባጽዕ ለገብእ ጅግረታት፡ ሰነት ንኢሸመ እት አወላይት መርሐላቱ ናይ ከደን ጅግረታታ ዋዲ ዐለ።

እተ ናይ ካልኣይት መርሐላት ጅግረ ክሎሊት-ሻሬዕ (ፔርኪቶ) ቀበት መዲነት ህይ፡ ለብድረ ምን ባካት መክተብ ተእሚናት እንዴ ትብገሎ፡ እብ ሳሽየ እት ገበይ ስጋለት ቀጣን እንዴ ተሓብሎ፡ ሲነመት ኣይደ ምን እት ለአቀብል፡ እት ተእሚናት ለልአተምም፡ እት ክል ዱራቱ ሐምስ ኪሎምትር ክሎሊት ለገልበበ ዐለ።

እተ ናይ ሰነት ንኢሸ ጅግረ ዐጀላት ሰልፋይት መርሐላት ምን እግል ሊኪዳሁ ለዐለት እለን ምን ትደሀሪየ ጅግረታታ ለትሸጠበት አዋልድ፡ 70 ኪሎምትር ሄረረየ፡ እተ ሰነት ዐባይ ለገብእ ጅግረ ካልኣይት መርሐላት፡ ለናይ ሰነት ንኢሸ መትሸጣብ ጅግረ ለአቀሀሪየን እት መሰለ ጅግረታታ እብ ሸፋገት ዛይደት አንበተያህ፡ እተ ሰልፋይት ሳዕት ህይ እብ ምግባይ ቅያስ 35.8 ኪሎምትር እት ልትፊተተ ትረኣየ።

መትባድራይት ፈሪቅ ግብረት ናርዶስ ጸጋይ፡ እት ሳዕት 33.4 ኪሎምትር እት ትሄርር፡ እብ2 ሳዕት፡ 5ደቁቅት ወ44 ካልኣት ዕውትት ናይለ መርሐላት ነስኣት፡ ኤልዳና በረከት - ደንደን፡ ወሄርሚላ ስምኣን

ምን ፈሪቅ ግብረት፡ ካልኣይት ወሳልሳይት አተየ።

እብሊ ህይ፡ ናርዶስ እብ ንቀዋ ክእሉል ወወቅት ሰበት ተዐወተት፡ ክልኤ ፍሉንየት ወመዳልየት ደሀብ ትሰርገት። እብ ናይ ወቅት ህይ፡ ኤልዳና ወሄርሚላ መዳልየት ወርቅ ወነሓስ ከሻከሸየ፡ ቤትኤል ኤፍራም ምን ፈሪቅ ግብረት ህይ፡ ለሐሰት መትባድራይት ናይለ ምዕል እንዴ ትብሀለት አልፍ ነቅፈ ነስኣት።

ጅግረ፡ እተ ሰልፋይት ሳዕት 43.8 ኪሎምትር ትፊተተው። 500 ምትር ምን ጅግረ ክም ተርፈ ህይ፡ እተ አወላይት መርሐላት 60 ኪሎምትር በይነ ለመርሐ ወለሐሰ መትባድራይ ናይለ መርሐላት ለነስኣ ኤሸን ኤፍራም ምን ፈሪቅ ሓርነት፡ እብ ለትአትዐጅብ ቅድረት ምን መጅመ-ዐት ለዐባይ እንዴ ትመልሐጠ ክም ትፊተተ፡ እብ 2ሳዕት፡34ደቁቅት ወ16ካልኣት አወላይ አተ። ምኑ



ምን ፍሪቅ ህይ፡ አዋልድ ፈሪቅ ዐጀላት አቅሊም ግብረት እግል አራግ ወሰራይር ሳዋ እንዴ በድረየ፡ ሰልፋይት አብሀዘየ። እትሊ ጅግረ ምን አቅሊም ዐንሰበ ለሻረከት መትባድራይት ዐጀላት መዘር ክዳናይ እበ አርኤተ ሰእየት ለትሀይብ ትልህየ ምን መትፈርጀት ዐጀብ ረክበት።

እብ ጀሀት ውላድ ህይ፡ 110 ኪሎምትር ለገልበበት መሳፊት እተ ትጅግረው። እትሊ ለረይሕ



ፈሪቅ ዐጀላት ኤሪትሮፕ ኣስክ አልጄርያ ልትብገስ

ተኸሊት ኣላቅ ምን ዮም 8 ኣስክ 22 ፊብርዋሪ 2025፡ እት ዱር አልጄርያ ለሻርክ ፈሪቅ ዐጀላት ኤሪትሮፕ፡ እት ዮም 3 ፊብርዋሪ ምን ገጽ ምሴ፡ መፈወድ ዓዳት ወርያደት ሰፊር ዘመዴ ተኸሊ ወብዕዳም መስኪሊን ርያደት እተ ሐድረው መናሰበት ዓደት ሰርሐ ገኣት እላ።

ሰፊር ዘመዴ፡ እሊ ፈሪቅ፡ ወጠን ለአርፊዐቱ ቱ ሀደፍ እንዴ አትመመ እብ ዐውቱ እግል ለአቅብል እት ልስኤ ምኑ፡ እተ ወድወ ጅግረታት ሰዳይት ሕድ ለብእቱ ሸዑር ርያደት እብ እግል ልተልሀው ትፋትየም።

መደርብለ ፈሪቅ አሰይድ ሙሴ አስሄል እብ ጀሀቱ፡ መዳሊቶም ሰኒ እቱምም ክም ህለው፡ ለሰለሰ ናይ ክላሲክ አምዕሎታት ህይ ዝያደት ንቀዋ ሰበት ብእተን ዲበን እብ ኩለ ሓሊቶም እግል ልተልሀው ክም ቱ ሸርሐ።

ፈሪቅ ብድረ ዐጀላት ኤሪትሮፕ ሓቅፎ ለህለ መትባድራይት፡ ሚልክያስ ማእከሊ፡ ዳንዮም ፍጹምብርሃን፡ ኑር አሕመድ፡ ሄብርን ብርሃኔ፡ ናኦድ ብርሃኔ ወእክሊሉ አተሸም እት ገብኦ፡ መደርባም ሙሴ አስሄል እንዴ ክምክመየም ብጉሳም ህለው።

ዱር አልጄርያ ዮም ዓመት እግል 25ይት ኢነቱ ገብእ ለህላ፡ እብ ዓመት 10 መርሐላት ወ1,376 ኪሎምትር ለገልብብ፡ ክምሰልሀው ሰለስ ምዕል ናይ ክላሲክ አምዕል ታመት ጅግረ ክበድ ለብእቱ ጅግረታት ርቱብ ህለ። ወጠንያይ ፈሪቅ ዐጀላት ሊሊት አተላተ 4 ፊብርዋሪ ኣስክ አልጄርያ ክም ሳፈረ፡ ዕላቃት ዓም ፈደሬሽን ዐጀላት ኤሪትሮፕ ሐበረ።



መትጅግረት ዐጀላት ዱር አልጄርያ

ዕጽ ደውሪ ሽምጥኖን ኣርብ ትክክል

ሚን - ሲቲ ድድ ርያክ ሚድሪድ

ደቀብ ዕመር ዕጽ እንዴ አውደቅከ ሐሊፍ ደውሪ ሽምጥኖን ኣርብ፡ ለሐልፊት ጅምዐት እት ሳታት ሐቅ አዝሀር ዲብ ሰዊዘርላንድ ወድቀ።

ደውሪ ሽምጥኖን ኣርብ፡ ዮም ዓመት እብ መትካም ሐዲሴ፡ እብ ናይ ደውሪ ሸክል 36 ፈሪቅ እብ ሕበር እት ሐቱ መጅመ-ዐት እንዴ ከወን ጅግረታቱ ክምሰል ወደ ልትዘከር። ክል ፈሪቅ፡ ድድ ሰማን ለትፈናተው ፍሪቅ፡ ኣርብ ትልህየ እት ሚዳን፡ ወኣርብ ትልህየ ብዕዳት በረ ምን ሚዳን ወደ። ወእብሊ ለሐልፊት ኣርቦ ለፍሪቅ፡ ሳምናይት ናይ መጅመ-ዐት ትልህየታቱ አትመመ።

ከለሰልፋይም ሰማን ፈሪቅ ምን እንገራ፡ ሊቨርፑል፡ በርሲሎን፡ ኣርሲናል፡ ኢንተር-ሚላን፡ አትሌቲክ-ሚዳን፡ ባይር ሌቨርኩሰን፡ ሊል ወአሱቶን-ቪሊ ህይ፡ ዱቅሪ እት ደውሪ 16 ሐልፈው። ምን 9ይት ኣስክ 24ይት ደረጃት ለጸብጠው 16 ፈሪቅመ፡ እብ ኣሳስ ዋድቅ ለህለ ዕጽ፡ ናይ ክልኤ እግር ትልህየ እንዴ አውደቅከ ሐሊፍ (playoff) ሐቅ ወደው፡ ሰማን ለዕውታም ፍሪቅ ኣስክል ዱቅሪ ጅግረታት እግል ልትዕደው ቱ። ሐቅሃመ፡ ናይ ዱረት 16 ትልህየታቶም እግል ሊደው ቱ።

እብሊ ህይ፡ ማን-ሲቲ ምስል ርያል ማድሪድ፡ ሴልቲክ ምስል ባይር ሙኒክ፡ ፊይናርድ ምስል ኤሲ-ሚላን፡ ስፖርቲንግ ሊዘበን ምስል ቦሩሰየ ደርትሞንድ፡ ሞናኮ ምስል በጌራክ፡ ብሬሰት ምስል ፒኤሰጂ፡ ፈሪቅ ፕሩግ ምስል አተላንተ፡ ጃቪየር-ፎንቲኑ ምስል ፒኤሰቪ፡ ናይ ክልኤ እግር ትልህየ እግል ሊደው ቱ።



አወላይት እግር ትልህየም ህይ እት ዮም 11 ወ12 ፊብርዋሪ፡ ካልኣይት እግር ህይ ዲብ ዮም 18 ወ19 ፊብርዋሪ እግል ሊደውን ክም ቱ እመር ህለ።

ጊጣይ ስያሱት

እስትራቴጂያዊት ፓናሙ ዲብ ሐንቴ ዕን ትራምፕ

ሰጠ። ታዲሳ ተኸሎ

ድወል ቅብለት ወግብለት አሜሪካ ዲብ ለአትራክብ ካራቢያን ዲብ ልትባህል ለልትሰሜ ምድር ብዙሐት ነጻይሽ ድወል ህላዩ። ዲብ ሐንቴ እስባንዩ እግል አምኑት ስኒን ዲብ ሐንቴ እስትሰማር ሰበት ትቀረገዩ። ህግዩ ወግዳት እስባንዩ ዘያደት ተጸሲር ወደ እትን። ምን ህግዩ ላቲን ላት ሰባንዩ ሰበት ልትሃገዩ ክምሰል ክለን ድወል ግብለት አሜሪካ “ላቲን” ዲብ ልትባህል ልትሰመዩ። እምበላ መስተዕምረት ሰባንዩ እንዴ ኢሙጽእ ለወላው ገባይል ውላድላ ባካት ብዙሐ ለተሐበረ ሽቦብመ ይወላ።

ሐቴ ምን ካራቢያን ለልትባህል ድወል እብ ጋምል ድብዕ ዘያድ 300 መሐዛት ወአንገር ለገረመት ፓናሙ ህላጅ። ፓናሙ ምን ቅያሰ ወለዐል እስትራቴጂያዊት ምን ገብአት። እብ ጀህት ምውዳቅ ጸሓይ እብ ቅብላት ምሐፕ ሰላም ወእብ ጀህት ምፍጋር ጸሓይ ህዩ እብ ቅብላት ምሐፕ አትላንቲክ ለህሌት ደውሉት ተ። ዲብ ረአሰል እግል ክልኢቱ ምሐፕ ለፈንጌ መካሪት እግል ቅብለት ወግብለት አሜሪካ ለተአትራክብ ምብታክማ ተ። እግል 300 ሰነት ዲብ ሐንቴ እስትሰማር እስባንዩ ሐቆላ ክልኢት። ፓናሙ ዲብ ለ ግራን ኮሎምቢያ ልትባህል ለዐለ ኮንፈደሬሽን ብዙሐት ድቁባት ድወል ተሐበረ። ለኮንፈደሬሽን ክምሰል ትፈንጠረ ህዩ ዲብ ሰነት 1830 ዲብ ኮሎምቢያ ተሐበረ።

መካሪት ፓናሙ ክልኢ በሐር ለክፍል ምን ገብአ ምን ምውዳቅ አሰክ ምፍጋር መዋሰን ለተዐዳ ገበይ ሐቆመ ትከሰተ። ምን አሜሪካ አሰክ ብዕዳት ቃራት ለልግዕዝ መራክብ እብ ክንክሽ ግብለት አሜሪካ አንኮላል ኢለአትሐይ። ሰበት እሊ አሜሪካ እግል ሰልፍ ኢነት ዲብ ረአሰ ፓናሙ ዐሸም እግል ቲዴ አሰተብዴት። እሊ ህዩ ገበይ ተቃርብ እግል ትክሰት ክምሰል ትቀድር ድራሳት እንዴ ወዴት ተ። እግል ክልኢ በሐር እብ ምድር እግል አትራክብ ለተአቀድር ገበይ ባቡር እግል ትሸቁ ፓናሙ ወአሜሪካ እትፋቀዩት ፈርመዩ።

አሜሪካ ሌጠ ኢትን አህምዩት ፓናሙ ለዐለ እሊ። ፈረንሳሙ ከፍል ሰዌዝ እንዴ ሸገው በሐር ቀየሕ ምሰል ምግባይ በሐር ለተሐበረው መሆንድሲ። ሕድ ለሸብህ ወቀይ እውቁያም ሰበት ዐለው። ዲብ ሸቆየት ከፍል ፓናሙ እግል ልሻርት ናድአት ዐለት። ዲብ ረአሰሰ ሳደፈዮም ናይ ማል ከሳር እብለ ተሐደደ እግል ልሸቀው ምን ትነደአው ሸቃለ ለ20 አልፍ እብ መላርዩት ወብዕድ ሕማማት ክምሰል ፈነው ለሸቅል አትካረመ። ለፈረንሳይን ለአትካረመው ረአይ ላኪን አሜሪካ ትከብተ። ዲብ መደት ለህ ፓናሙ ናይ ኮሎምቢያ ውላዩት ሰበት ዐለት። አሜሪካ

ለፈረንሳይን ለአትካረመው ሆንደሰት እግል ተአተላልዩ እግል ኮሎምቢያ ትሰአለት። ኮሎምቢያ ላኪን ለናይ አሜሪካ ጠለብ እንዴ ረፍደት። ዲብ ምድረ እግል መሰለሐት ብዕደት ደውሉት ለልውዕል ከፍል እግል ልትብይ ክምሰል ኢትሰሜሕ አትአመረት። ዲብ መደት ለህ ርአሰ አሜሪካ ለዐለ ናብሸልት እብ ክልኢቱ ሸክክ ፓናሙ እብ አትላንቲን ወፓሰፊክ ምሐፕት መራክብ ሐርብ እንዴ ነድአ ፈርህት ክልቀ። ፓናሙ ምን ኮሎምቢያ እንዴ ኢትራክረር አሜሪካ ደሰቱር እንዴ አፍገረት። ዴሽ አሜሪካ ዲብለ ገብአ ክፋል ፓናሙ እንዴ አተው። እግል መሰለሐት ዐደም እግል ልዕቀቦ ለተአቀድር እጃዘት ናሶም አምሪካይን እትላ አዳለው ደሰቱር ትከተቡ።

ሐቆ እሊ ፓናሙ ዲብ ሰነት 1903 ሕርዩተ እንዴ አወጀት ምን ኮሎምቢያ ክምሰል ትፈንጌት አትአመረት። ኮሎምቢያ መቅደረት አምሰበት ይወላት እሊ። እግል ሕክመት ሐዳሰ እግል ተአፍርሰ ኢቀድረት። አሜሪካ ዱቅሪ ከፍል መራክብ እግል ትሸቁ አሰተብዴት። ቅያሰ ለአለቡ ናይ ሆንደሰት ተጠውር ለትረአ እቱ ክልኢት ምሐፕ ለለአትራክብ ቆሪ ነሀር ትሸቀ። እሊ ከፍል ዲብ ትሸቀ እቱ ወክድ ሐድ 5600 ሸቃለ ክምሰል ሞተው ተቃሪርላ ወክድ ለህይ ለሐብር። ከፍል ፓናሙ እብ ምልክዩት አሜሪካ ዲብ ሰነት 1914 ሸቅሉ አሰተብደ። ምልክዩተ ከፍል እት ሰብኡ እግል ብልሰት እብ ደልደሉ ነዐር ለተሐበረ እቱ አግማም ገበል ፓናሙ ለተዐደ



ንዳል ምን ወክድ ለህይ አሰተብደ። እብ አሜሪካ ዲብ ትሰዴ ፓናሙ ዲብ ሰነት 1903 ምን ኮሎምቢያ እንዴ ትፈንጌት ደውሉት ገብአት። አሜሪካ እግል ሐዳይሰ ሰብ ሰልጠት ፓናሙ ዲብ ኢሻረከው እቱ። ምሰለ ፈረንሳይን መሆንድሳት እትቆቆየት እንዴ ወዴት ምን በሐር አሰክ በሐር ለለአትራክብ ከፍል እግል ትብይ ፈርመት። ለ83 ኪሎሜተር ሪም። እብ ሰምፕ ናይ 16 ኪሎሜተር ፍይሌ ምድር እግል ዲመ ምልክዩት አሜሪካ ክምሰል ገብአ ወዲቡ

አሜሪካ ከፍል እግል ተአሰሰ ወእግል ተአትመቃራሕ ለለአቀድር ድፍዓት እግል ትብይ እቱ ለለአቀድር እትፋቅ ፈርመት። እሊ ህዩ ምሰል ሕክመት እንዴ ኢገብእ ምሰለ ከሰረት ፈረንሳይን ሸሪክት ቱ ለዐለ። ሐቆ 11 ሰነት ህዩ ለናይ 83 ኪሎሜተር ሪም ለቡ ከፍል ፓናሙ ዲብ ልትባህል ለልሰሜ መዐደዩ መራክብ አሜሪካ እንዴ ሸቆት



አትመመቱ። ፓናሙ እግል ብዙሐ ዐሰርታት ስኒን ምሰል አሜሪካ ምሰንዮት እብ ዐለት እሎም ምሰል ትጃረት እዲን ዕላቀት ብዘሕት ለዐለት እሎም ሰያሰይን ዲብ ልትመቃራሕ ጸንሐ። ዲብ 1960ታት ላኪን ለከፍል እብ አሜሪካ እግል ልትመቃራሕ ወልትመሰክ ለገብአ እትፋቅ እግል ልሸጠብ ክምሰል ቡ ወምን ሐዲሰ እግል ልትገኙ። ለልብል መቃወማት ሸቦብ እግል ልቅነጽ

ናይል ዱላት ዕምለት ቢልቦአ መጦር ዶላር አሜሪካ ልትሰረፍመ እንድኢትን። ዶላር አሜሪካ ወሰናቲሙ ክም ዕምለት ዱላት ቱ ለሸቁ። አላፍ ሸባብ ፓናሙ ህዩ ክል ሰነት እት ጃምዓት አሜሪካ እት ገይሶ ክም ደርሶ ልትአመር። ለዕላቀት እት አካነ ዲብ ህላጅ። ርአሰ አሜሪካ ሐዲሰ ዶናልድ ትራምፕ። ለከፍል እት አሜሪካ እግል ለአቅብል ክም ቡ ለአፍህም እሰሙን ቱ። ክመ ለዐል ለረኤናህ። ሐልፍ ታሪክል ዱላት ወሰከፍል ምሰል አሜሪካ ዕላቀት ለቡ ሰበት ቱ። ለአግደ ትራምፕ ለዳረክ ሰብብመ ህቱ እግል ልግበእ ቀድር።

አሜሪካ ለከፍል እብ ዲፕሎማሲያት ተ ተሐዘዩ ለህሌት መእብ ሐሊት አሰክ እሊ እምር ህሌት አለቡ። እት ወጠንያይ ቀዋኒን ፓናሙ ወአሜሪካ “ለአትከዩድ ሰያደት” ለልብል ማዳት ለህሌ ገብእ። ቀደም ወግረ ካልኣይ ሐርብ እዲን እብ ደጋጋም ክምለ ትረአ ላኪን። ሰያደት ሕዱድ እብ ትደቀቡት ዱላት ተ ትትሐደድ ለህሌት። ዶናልድ ትራምፕ ህዩ ከፍል ፓናሙ እት አሜሪካ እግል ልጭመር ለነሰኡ አሰሉል ኢሸርሐ። እብ ማል አሜሪካ ወእብ ቅድረት ሆንደሰት ውላድ አሜሪካ ለትሸቀ ከፍል። ለቀዳምያም ሜርሐት አሜሪካ እግል ፓናሙ ለሰለመው እቱ ቀራር ትራምፕ እት ልተዐሰ ዲቡ። ጌገ ክም ዐለ ሻርሐ ህላ። ድወል ብዕድመ መትነፈዳይ ምን ከፍል ጀላብ እግል ልግበእ። ነሐር አዳም ብዘሕ እት ለአትፈርረ አሰክ መራክብ ዐሰከርዩት በገደ እቱ ክም ህላያመ አፍህመ።

ክምሰል ጸብጠቱ እንዴ አሰረት አሰክ አሜሪካ ሐቆላ ነሰአቱ እብ ትጃረት ሐሸሽ እንዴ ሸኬቱ ዲብ ቤት ፍርድ አሜሪካ አቱቱ።

ምዕራፍ ሐዳሴ እት መዋጅህት አሜሪካ ወፓናሙ

ፓናሙ እት ሐልፈዩ 25 ሰነት ምልክዩትላ ከፍል ምንመ ዐለ እሊ። ምን ቀይድ አሜሪካ እብራት ኢትን።

ፓናሙ። ለመጽእ ህላ መሰምሰ ናክራቱ ህላጅ። ናይ ለገብአት ዱላት አሰዩ መርከዝ ዐሰከሪ እት ፓናሙ እግል ልትብይመ ክም ኢለአይዶ አክደው። ትራምፕ ዲብ ናይ ወሲላት ሸበክት ሐብሬ። “ በኪት በዓል ልደት እግል ኩሉ ወእግለ ዲብ ከፍል ፓናሙ ዕሰኩራም ለህለው ዐላክር አሰያይት ዱላት” እት ልብል ለከትብዩ ልእከት አሰናይ። ርአሰ ሆዜ ሙሊኖ “ቅሎ ወቅርጡፕ” እት ልብል በልሰ ዲቡ።

ሰብ ሰልጠትላ ከፍል። መራክብ አሜሪካ ምን ቅያሰ ወለዐል ጀምሩከን ክም ህለው ለሸሬሕ ትራምፕ። “ላዲነ ህለው” ዲብ ልብል ምሰምሰ ካልእ ለአምጽእ ህላ። ምናተ ርአሰ ሙሊኖ። መራክብ አሜሪካ እግልን ለልትፈንጌ ጅምርክ ሐዲሰ ክም ይህላ። ከፍል ፓናሙ ህዩ ናይ ውላድ ፓናሙ ሌጠ ክም ቱ። ወእብ ክሰሱ ለገብአት መፋህመት ወተናዙላት ክም ኢገብእ እብሩህ ህላ። እብ 83 ኪሎምትር ሪም ለቡ ክልኢት ምሐፕት ዐለም ለዐባዩ ለጨምር መዐደዩ እት ሰነት 14 አልፍ መራክብ (በዋቢር በሐር) ለሐልፍ። እምበላ ናይ ሰያሐት ህዩ። እግል ፓናሙ ለአግደ ዴማት እተያ ቱ።

እብ ከፍል ለልሐልፍ መራክብ ህዩ ምን ሕኔት ለካልእ ጠረፍ ግብለት አሜሪካ (ረአሰ-ቀር አው ኬፕ ሆርን) እሊ እንዴ ኬደዩ አሰክ ቅብለት ልትሉለቡ። እብ ፓናሙ እንዴ ተዐደዩ ናይ ሄራር 11 አልፍ ኪሎምትር ልትድሕን። ወቅት ወብትሮል ኢከሰረ። ወእብ ሻፍገት ለበውር ባዳይዐንመ እንዴ ኢለኣኪ አገድ ለአበጽሓህ። እግል በዋቢር ሐርብመ መዐደዩተን ክም ቱ። እት ሐርብ እድንዩ ካልኣይ እብ ፍዕል ለትረአ ቱ።

አሜሪካ ምልክዩትላ ከፍል እግል ትሰልመ ፓናሙ ናይ ሰናታት ብዘሕ መፋህማት ዋድዩት ተ። እት ሰብዓታት ጂሚ ካርተር ርአሰ አሜሪካ ዲብ ህላ ክልኢት ውዕል ትፈራረመው። ለሰልፋይ ውዕል። “ለከፍል። እግል ዲመ ክሱት ወእሙን እግል ልግበእ ቡ” ለትብል ፍክረት ለብእቱ። ለካልኣይ ህዩ አሜሪካ እት ሰነት 1999 እግል ፓናሙ ታመት ሰልጠትላ ከፍል እግል ትሰልም ለትብል መፋህመት ለዐለት እቱ ቱ። እብ አሳሰለ ውዕል ህዩ ዱላት ፓናሙ። እት ሰነት 1999 ታመት ምልክዩት ናይል ከፍል ትሰለመት ወአሰክ እሊ ትትነፈሪ እቡ ህላጅ።